



建炎以來朝野雜記甲集卷第五

朝事一

高宗即位冊文

淵聖北狩 康王在山東 群寮請奉大統 上謙讓未

受時趙伯山延康守淮寧與諸鎮爭為盟主而宗室在

京西或招群賊置乘輿服御 上優容之一日群寮議

纂服之禮宗室承宣使仲琮等曰今 二帝蒙塵 王

不當即位宜著淡黃衣稱制不改元下書告四方稱副

元帥汪廷俊等以唐肅宗故事折之參議官耿伯順語

仲琮曰公是宗室豈不避嫌仲琮語塞乃定即位于南

都焉五月庚寅朔王登壇告天冊文曰嗣天子臣某
敢昭告于昊天上帝金戎亂華二帝北狩天支戚屬
混于穹居宗社罔所依憑夷夏罔知攸主臣某以道
君皇帝之子奉宸旨以總六師握大元帥之權倡義旅
以先諸將冀清京邑復兩宮而百辟卿士萬邦黎獻謂
人思宗德天眷趙宗宜以神器屬于臣某辭之再四懼
不克負荷貽羞于來世九州四海萬口一辭咸曰不可
稽皇天之寶命慄震惕敢不欽承尚祈陰相中興
于宋祚冊文記室滕子濟所撰也禮畢上流涕即位
于府治之正衙壇在府治中門之東實耿伯順建議所

築後名其壇曰受命中興之壇

中興定都本末

靖康末高宗初建元帥府于河北後聞京城破汪廷
俊等遂奉王如山東久之聞張邦昌僭立廷俊等欲
奉王走宿州謀渡江左先鋒至山口鎮三軍藉乃
罷行五月王即位于南都六月李伯紀入相將奉鑾
輿狩襄鄧八月伯紀去位十月上遂幸維揚時黃樾
和汪廷俊為政也三年二月粘罕遣五千騎犯揚州
上幸杭州駐驛三月苗傅劉正彥謀逆以上為睿聖
仁孝皇帝居別宮四月傅等敗上進幸江寧冬兀朮

入寇。上用呂元直議，自明州幸海。四年春，始還越州。時范覺民為相，夏覺民罷。紹興二年正月，以漕運不繼，復移臨安。冬，兀朮入寇。趙元鎮、張德遠共事。上幸平江，時朱藏一首建避狄之議。元鎮闢之，朱由此罷相。明年虜退。上復還臨安。六月秋，劉豫入寇。上進幸平江。七年春，元鎮罷。德遠獨相，乃有建康之幸。秋，鄜瑗叛。德遠罷。元鎮復相。八年二月，復奉。上還臨安。其冬，元鎮罷。秦會之獨相自此不復遷都矣。

褒錄元祐黨籍

紹興初，朝廷褒錄元祐黨人，且擢用其子弟。六年正月

樞密院檢詳文字范直，方言自蔡京用事，凡妬賢嫉能，助成黨論之人，偶乖迎合，遂致睚眦。京下歆，終廢之。故借黨以報怨。如李清臣首唱異議，邢恕誣證太母，楊畏反覆變詐，皆隸名石刻之人。今又推恩子孫，傷教敗俗，莫此為甚。請命近臣審而甄別之。上納其言，遂命

元本審計吳在審訂

元本申元本核中先

給舍甄別元祐黨籍。他日，上謂趙忠簡曰：「一時甚有濫居黨人之數者，范仲任申，皆能辨之。先是渡江以來，黨碑無復存者。凡自陳者，悉以胥吏私傳之本為據。紹興四年，陳去非在吏部，以為言，始加搜訪。後二年，乃命甄別焉。時朱子發為給事中，董令升任世初為中書

舍人元鎮以為賢故付以此書然亦不克意也直方蓋
忠宣公孫云

籍記崇觀姦邪

建炎初議者請以崇寧以來無狀之人為一籍詔諫官
御史具名以聞臺省各錄副本不許堂除及任守令事
已行俄命執政參酌非罪惡深重之人皆許自新量才
擢用時宰相黃懋和注廷俊也四年范覺民相吏部侍
郎李陵上疏請收用近年廢黜之人且詔臺諫勿復論
列敕榜朝堂臺諫沈與求等以為言陵遂坐絀紹興五
年趙忠簡相會鄧洵仁右丞卒詔贈官推恩如故事劉

吳棫作姦邪之人

于乾校作以

立道為中書舍人封還詞頭言今日之事洵仁父子實
有力焉得死牖下已為失刑乃敢援例求恩不知上
皇今在何地請自今崇寧以來侍從于上如洵仁等輩
一切更不推恩自靖康初追錄元祐諸臣然議論不一
是非淆混忠簡夙有此志以身任之曰繳洵仁詞頭遂
歷言熙豐紹聖崇觀政事人才善惡利害本末甚備
上納嘉命榜之朝堂焉

臨軒疎決

自真宗以來率以盛夏臨軒慮囚建炎初廢二年六
月始詔疎決行在揚州繫囚雜犯死罪已下減一等杖

以下釋之其後越州建康皆同此制紹興二年六月
上在臨安甲申始臨軒疎決御史臺大理寺臨安府三
衙諸軍係囚自是遂為故事然諸道未及也五年趙元
鎮為相復舉故事命諸路提刑以盛暑行之迄今不改
然憲臣多不能徧所部則以諸州通判代行久之通判
亦不能行第傳檄往來徒為文具而已朝廷屢戒飭之
終不能革

參政分治省事

元豐官制尚書左右丞分治六曹後以為皆執政官乃
令通治省事紹興四年張魏公再入省府上諭魏公

曰朕于三四大臣皆當分委張浚可專治軍事胡松年
可專治戰艦如財用亦須委一大臣後魏公相不果行
七年魏公獨相三月詔尚書省常程事權令參知政事
分治于是張全真治吏禮兵房陳去非治戶刑工房九
月魏公免復詔三省事令參知政事權輪日當筆更不
分治常程事竣除相如故自是參知政事復通治省事
矣

修政局

自王荆公秉政始創制置三司條例使以行新法其後
蔡儋州當國踵其故置講議司儋州罷張文忠代之乃

置政典局不隸三省靖康初徐擇之吳中共政又置
詳議司俄以人言罷紹興二年呂元直秦會之同相元
直督軍于外會之欲奪其柄乃置修政局自領之詔職
事官及守令以上言省費裕國強兵息民之策以戶部
侍郎叔敖為參詳官置局如講議司故事曾諫議統
時為尚書郎謂會之曰宰相事無不統何以局為會之
不聽數月會之罷是日彗星出議者以為修政局所講
多刻薄之事失人心致天變後五日遂罷修政局焉

經界法

經界法李椿年仲永所建也紹興十二年仲永為兩浙

轉運副使上疏言經界不正十害一侵耕失稅二推割
不行三衙前及坊場戶虛換抵當四鄉司走弄稅名五
詭名寄產六兵火後稅籍不信爭訟日起七倚問不寔
八州縣隱賦多公私俱困九豪猾戶自陳稅籍不實十
逃田稅偏重故稅不行十一月癸巳疏上上納其言
仲永又言平江歲入昔七十萬斛有奇今實入才二十
萬耳詢之士人其餘皆欺隱也請改按覈實自平江始
然後推之天下因上經界畫一其法令民以所有田各
置帖基簿圖田之形狀及其畝目四至上地所宜永為
照應即田不入簿者雖有契據可執並拘入官諸縣各

為圮基簿三一留縣一送漕一送州凡漕臣若守令交承悉以相付詔專委仲永措置遂置局于平江周敦義時守平江見仲永言當均稅不當增稅仲永不從敦義遂坐事免十三年六月詔頒其法于天下仲永亦遷戶部侍郎十五年仲永以憂去命王承可以戶部侍郎代之承可請員外郎開封李朝正同措置又請令民十家為甲自陳不復圖畫打量即有隱田以給告者正月承可罷朝正權戶部侍郎十六年二月丙寅十七年春仲永免喪復故官專一措置經界三月丁卯仲永復以給甲自陳為不便請令有司造圖而遣官覈寔先成有賞慢令有罰十

九年冬經界畢民多詣臺省訴其不均曹庭堅筠時為

臺官因奏仲永私結將帥曲庇家鄉請罷之更選官覈

實十一月辛丑初朝廷既頒其法于諸道其後有司畫圖供

帳分立土色均認苗稅民始病其煩仲永既遣官屬分

往諸路又遣覈視之議者不以為便明年二月壬子戶

部請委漕臣限一季結絕悉罷先所遣官三月戊戌遂

下詔曰昨李椿年乞行經界初欲去民十害遂從其請

令聞寢失本意可令監司將乖謬害民者日下改正時

勅令所刪定官開封鄭經界川陝四路頗峻責州縣

故蜀中增稅亦多又官田號省者所租有米穀粟麥

麻豆芋粟桑菜鴨卵之屬凡十八種皆令輸以錢故民至今尤以為患時馮濟川檄為瀘南安撫使論于朝于是瀘叙長寧獨免經界仲永蓋饒州浮梁人云然諸路田稅由此始均今州縣地基簿半不存黠吏豪民又有走移之患矣

籍記監司郡守

紹興初樓仲輝資政為左史請命從官舉可為監司者令中書籍記姓名遇闕除授上從之已而謂輔臣曰朕亦當書之屏風以時揭貼其不任職而無他過者以自陳宮觀與之乾道初孝宗新創選德殿于御座後

作金漆大屏分畫諸道各列監司郡守為兩行以黃簽標識居官者職位姓名其背為華夷圖云

隆興臺諫

隆興初湯慶公復除右僕射諫議上章論列不從奉祠去自是臺諫多引退者張忠簡闡時為工部尚書因奏事面請增臺諫員上曰士大夫多賣直故難其選忠簡曰直言士之所尚陛下開納則有益于國家胡忠簡銓時為左史因造朝以張公之語質之上曰此語非也朕以張闡所言論臺諫論事當辨曲直非謂賣直也明日張公請對又論臺諫一空上曰卿與

元本在諫議國吳校王諫議
大察

吳校王改事

元本三格

胡銓昨日議論一同得非傳會朕止欲辨所論曲直非
惡直也忠簡曰陛下當受垢納汙若較曲直是非便是
距諫上改容納之隆興主聖臣直蓋如此

隆興和戰

孝宗初受禪起張魏公為江淮宣撫使上委以經畧
北事魏公欲命李顯忠邵宏淵引兵進取而史魯公以
宮僚位執政謂強弱不敵未可進也數從中止之魏公
及陳魯公皆主招納東北人史公尤為不可因城瓜洲
白遣太府寺丞史正忠志道合兩淮帥臣監司集議俾
諭以廟堂指意志道有口辨既見魏公論說云云魏公

之意不回而史公亦數因書為言兵少而不精二將未
可恃魏公不聽也時上意鄉魏公故史公拜右僕射
而魏公亦拜樞密使都督江淮軍馬會顯忠宏淵進師
取宿州命從中出三省樞密院不預知史公遂丐免不
數日符離師潰上意亦浸疑湯丞相遣之還朝復主
和議由是魏公遂絀而海泗唐鄧商秦弃矣論者惜之

孝宗革冗官

孝宗初受禪以官冗恩濫議革之欲定制百官已任子
者遇郊恩權免奏薦開賢良科令中外普薦而權罷特
奏名隆興二年秋詔右諫議大夫王之望右正言尹穡

殿中侍御史晁公武參酌來上之望言陛下即位未久
恩澤未徧此二事關于士大夫者甚衆願少寬之不已
則宜立奏薦限員踰數者許回授罷門客親戚漕司之
試止移隣州如是則省額可減百十人此救弊之策也
疏奏亦不果行至淳熙中始定奏薦員限云

上書補官

乾道初陳正獻公參知政事時有衢州進士毛日新者
以上書補文學陳公同葉相子昂覆奏其事且曰陛下
識其人否上曰朕不識之但見累上書陳公曰士人
上書果有益國家如賈誼治安之策魏元忠邊防利害
雖朝奏暮召可也今觀其書無甚可行之事此例一開
恐舉人舍本業而事上書紛然何以應之又安知非假
手以欺朝廷也上乃止

乾道郊賜

國朝故事郊祀大禮宰臣樞密使賜銀帛四千足兩執
政官三千三司使及資政殿學士五百密直已上四百
雜學士省副三百中丞給舍人待制各一百慶曆二
年減冗費于是執政以上各減一千三司使減三百餘
減二百中丞以下減三十遂為定制焉渡江以來宰臣
賚足兩不過千乾道六年虞忠肅為大禮使率同列懇

辭上。不許。忠肅曰：舊來銀一兩為錢四百，絹一疋為錢七八百，故千足兩，其直不過千餘緡。今則七八千緡矣。或者但言祖宗時錫予甚厚，今多從裁減，不知所賜之直已過。祖宗時數信矣。參知政事梁文靖公奏曰：今祕閣中有太祖御札，禁軍券錢，至親筆裁減一百者。上曰：雖一麻鞋之微，亦經區處。祖宗愛惜用度如此，子是上遂許。群公之辭自是進香，加息率多辭賜矣。

孝宗摠核名實

孝宗摠核名實于官職，未嘗妄授。劉忠肅為建康留守，

終更當再任。上知其政績，特除觀文殿學士，以旌之。執政擬除目云：劉珙居守建康，已及二年，可除觀文殿學士再任。上曰：以及二年而除職，非用人之體。乃改云：居守建康，績效顯著。

淳熙慶壽禮

淳熙中再行慶壽禮，時舊相史文惠以大保、寧軍節度使、魏國公致仕，居明州。陳正獻以少傅、觀文殿大學士、福國公致仕，居興化軍。十二年十一月丁未，詔二公赴闕立班。令明州興化軍以禮津遣。上又賜手札，令勿牢辭，用副延佇。陳公以道遠不能至，十二月史公至。

江臯上遣使賜銀盒茶。又詔都城外賜御筵。及見畢對御賜燕。皆固辭。甲戌入見內殿。上為之曲宴。且還賜第。居之十三年。春正月庚辰朔旦。上率百官簪花。用樂上壽于康壽殿。庭是日自人主至。群臣禁衛。吏卒往還。皆簪花。癸未。百官拜表稱賀于文德殿。又移班稍東。箋賀中宮。史公丐以戊子朝辭。上不可。賜手筆留之。推恩拜史公太傅。陳公少師。二月壬子。賜史公玉帶。金魚。庚子。史公入辭。且請歸。賜第。詔修內司交割。又命三省樞密院官燕餞。恩數悉視文潞公。禮遇之優。自中興以來所未有。

大理獄非得旨不許送理官宅

自神宗置大理寺者。令專一承受內降朝旨。重密公事。及推究內外諸司庫務。侵盜官物。餘民事送開封府。乾道三年二月癸酉。詔事涉情理巨蠹。及經州縣推勘。番異者。方許取旨送寺。七年四月辛亥。又詔諸處合送寺公事。並取朝旨。時曾欽道為戶部尚書。不以為便。是歲五月。詣都堂。白云。六曹所行最計利害。若竝取朝旨。恐事致彰露。犯人東西。請先次送寺。仍申朝廷。照會。虞丞相出劄子許之。自是六曹寺監事。無巨細。率皆送寺矣。淳熙十四年。王順伯少卿為大理寺丞。轉對言。非所以

重天獄請復舊典十月丁卯許之先是大理寺官散居
僦舍論者以為非宜淳熙中乃創大第聚居之如臺諫
宅之比

福建經界

自紹興經界後久之諸道經界圖籍多散佚吏緣為奸
淳熙八年閏三月癸巳新知江陰軍王師古言于朝詔
漕臣督州縣補葺八月戊辰諫官葛楚輔言其擾民乃
止初紹興之經界也章泉汀三郡以何白旗作過之後
朝廷恐其重擾止不行然漳泉富饒未見其病惟汀在
深山窮谷中兵火之餘舊籍無存者豪民漏稅常賦十

失五六郡邑無以支吾因有計口科鹽之事一斤之鹽
至出數斤之直論者患之淳熙十四年四月福建轉運
判官王回代還入見為上言其病不專在鹽請先行
經界上是其言丙申以回為戶部右曹郎官往汀州
措置未至官有武臣提刑言其不便遂止之其後朱文
公守漳州亦以可行為言而迄不聽也

軍中承代敦減

渡江以來江上及關外諸軍使臣死亡率以他人承代
朝廷患之乾道二年正月建康都統劉源繳納事故人
付身二萬有奇樞密都承旨龍大淵言于朝詔進源官

二等然統帥多庇其部曲罕能行朝廷乃許之自陳敦
減補正淳熙七年三月丁丑權吏部侍郎闕蒼舒才元
言今內外報到承代官數二萬三千五百餘人請置籍
取會銷溶從之自後冒官率皆補正矣六部舊無圖籍
八年七月才元始取索侍右簿書凡七百八十冊請下
本部收管并令他部倣此以扼吏姦從之

淳熙減否郡守

孝宗留意治民紹興三十二年十一月丙申首詔諸路
帥臣監司每日悉具部內知州治行減否連御聞奏後
以多事不克行淳熙八年閏三月辛巳復命監司帥臣

歲以所部郡守減否來上皆著事實即考察不公者御
史劾之十年四月丙申詔新知歸州湯鶯罷所除官已
酉以知常州范仲圭為利州路轉運判官知瓊州韓璧
提舉廣東常平茶鹽公事知復州閻門祇候王去惡為
右領軍衛中郎將皆用監司奏減否也十二年六月丁
丑浙東安撫使鄭丙提舉常平等事勾昌泰皆坐奏減
否稽緩降官趙衛公時判江陵奏言當舉劾而不必減
否之不從趙公因具文以報事功已七月乙巳詔漳汀
州見任守臣令合監帥司精加減否來上已聞除政者
竢令都堂審察既而漳守黃啟首以減聞遂除直祕閣

任^{十三年}除未幾又遷廣東轉運判官九月乙巳侍御史陳賈奏言今諸路減否既上而黜陟未行請令諸州見任守臣係監司所否之人許令自陳並與官觀違者御史糾之使減者益勸否者知勉又言諸路減否外間多不聞知請劄下給舍臺諫其不公不實者許繳駁論奏從之十月癸亥又詔今後諸路守臣減否限次年三月終川廣五月終聞奏時青神滿果知忠州為監司所否果代還入見上問之果曰臣得罪于監司不得罪于百姓翊日上諭輔臣曰滿果誠實可取十三年漳州府路漕臣岳霖奏知瀘州眉山史臯為否臯帥臣也五月

壬辰詔罷臯時趙昌裔者守全州帥臣林栗監司宋若水張柳管鑑連年以為否六月癸丑詔昌裔奉祠右諫議大夫陳賈言非所以示懲也七月己丑遂寢其命十四年六月癸未江西提刑馬大同坐減否稽緩降秩時夔州路安撫楊輔所奏亦久不至己丑詔詰之尋遂貶秩上既留意黜陟之政由是諸道皆奉承之然行之十餘年或不免有徇私之弊上亦疑其不可盡信常以諭輔臣要在精擇部使者而以臺諫考察之庶乎可也
上語在十五年七月丙午事具宣諭聖語
經筵轉官裁省

故事經筵講讀一書畢自儒臣脩注下至中人吏士皆
遷一官雖篙工庖卒無不沾被淳熙十三年冬陳大諫
賈因史院進書言酬賞泛濫上納其說于是吏輩易
轉官為磨勘者無慮三數百人議者猶以為濫十四年
春陳又言比經筵及東宮讀陸贄奏議皆終篇經筵轉
官者三十二人東宮講堂轉官循資者二百九十一人
平陽郡王府授論語撤章轉官者二十二人至有點授
論語末篇才一日而與轉官汎濫極矣請自今並行裁
抑官吏實額者量與推息其餘竄名一切省汰或量與
犒設上從之

依文當作操要

役法總要

自高宗紹興中始修常平免役之令其後歲月浸久
論建滋益多視舊法或牴牾吏緣為姦淳熙末中書舍
人莆田陳居仁詳定所司敕令因請下敕令所取祖
宗免役舊法又于戶部括取紹興十七年以後續降指
揮精加參考其有與舊法牴牾者悉行芟去萃為一書
名曰役法撮要書成鏤板布之天下從之

十四年三
月辛酉

建炎以來朝野雜記甲集卷第五

建炎以來朝野雜記甲集卷第六

建炎以來朝野雜記甲集卷第六

建炎以來朝野雜記甲集卷第六

建炎以來朝野雜記甲集卷第六

建炎以來朝野雜記甲集卷第六

建炎以來朝野雜記甲集卷第六

建炎以來朝野雜記甲集卷第六

建炎以來朝野雜記甲集卷第六

朝事二

道學興廢

自熙寧元豐間河南二程先生始以道學為天下倡二先生少學于汝南周茂叔其後學者翕然宗之二先生死其高弟門人前有河南朱公揆劉質夫李端伯京兆呂與叔蘓季明上蔡謝顯道延平楊中立建安游定夫河東侯師聖伊川門人後有河南尹彥明張思叔東平馬時中福清王信伯涪陵譙天授中立彥明遭遇靖康建炎紹興之間致位通顯天授入朝于靖康而不合紹

扶桑校印授

月予進已卯集卷六

興中再名不起後隱青神山中建安胡康侯學春秋于
伊川而不及見以楊謝為師友紹興初秦會之為丞相
引康侯侍經席一時善類多聚于朝俄為呂元直朱藏
一所逐朱呂罷趙元鎮相彥明以布衣入侍講經生學
士多名用焉元鎮罷張德遠獨相陳司諫公輔首上章
力排程氏之學以為狂言怪語淫說鄙論鏤版下郡國
切禁之康侯疏言今使學者師孔孟而禁不得順從是
欲至而閉其戶也其後會之再得政復尚金陵而伊洛
學廢矣中立傳郡人羅仲素仲素傳郡人李愿中愿中
傳新安朱元晦康侯傳其子仁仲仁仲傳康陵張敬夫

乾道淳熙間二人相往來復以道學為己任學者號曰
晦庵先生南軒先生東萊呂伯恭其同志也南軒侍經
筵不久而去晦庵屢召不起上賢之久之王丞相淮
當國不喜晦翁鄭尚書丙始創為道學之目王丞相又
擢太府陳寺丞賈為監察御史俾上疏言近日縉紳有
所謂道學者大率假其名以濟其偽望明詔中外痛革
此習每于除授聽納之際考察其人擯斥勿用晦翁遂
得祠又數年周洪道為集賢相四方學者稍會于朝謂
晦翁除節以疾未拜而林侍郎栗劾其欺慢且詆道學
之士乃亂臣之首宜加禁絕林雖罷去而士大夫譏貶

吳校云為集賢相謂字疑
誤除節吳改除節

道學之說迄不可解甚至以朋黨誅之而邪正幾莫能辨至紹熙末趙子直當國遂起晦翁侍經筵而其學者益進矣晦翁侍經筵數十日而去位子直貶永州何參政淡為中執法復上擊道學之章劉樞密德秀在諫列又申言之于是始有偽學之禁矣先是光宗登極劉德秀為殿中侍御史上疏極言兩議交攻之禍詔下其章後五年偽學乃禁

黨學五十九人姓名

自禁偽學之後劉侍郎珏以故御史免喪入見上言前日之偽黨今又變而為逆黨且獻策以消之于是自

元本章錄吳校章類

慶元至今以偽學逆黨得罪者凡五十有九人宰執四人趙汝愚右丞相留正少保觀文王蘭觀文殿學士徐誼部侍郎少傳觀文待制已上十三人朱熹煥章閣待講徐誼部侍郎殿大學士待制已上十三人朱熹煥章閣待講徐誼部侍郎安府知臨彭龜年吏部郎中陳傅良中書舍人兼侍講薛叔似戶部侍郎兼樞密都章郎黃由尚書禮部黃黼侍郎兵部何異部侍郎書部尚林大中吏部郎中黃由尚書禮部黃黼侍郎兵部何異部侍郎郎孫逢吉權吏部郎中餘官三十一人劉光祖起居郎呂祖儉大理丞葉適太府卿提領楊方秘書郎項安世秘書省沈有開起居魯三聘州知鄧游仲鴻軍器監吳獵監察李祥國子楊簡國子趙汝謙添差監左趙汝談前淮西安陳祭酒

吳校李祥博士楊簡祭酒

吳校曰落著作郎兼權工部
郎官
元本黃顯吳校黃顯

吳校作仲仁

張徹吳校作胡徹。呂棋奏吳
校作祖泰。溫勿吳校作錦勿

峴校書省著作郎兼權范仲甫禮部郎官汪達國子孫元卿國子
表太子陳武正國子田澹工部正丞兼權黃度右正張體
仁太府蔡幼學福建提舉黃平浙西提舉周南池州
教授吳柔勝新嘉興府教授李真校書王厚之直顯謨閣江孟
浩知湖州趙鞏知揚州白炎震新通判武臣三人皇甫
斌池州都范仲壬知金張致遠江西兵馬鈐轄已上士
人八人楊宏中周端朝張衙林仲麟蔣仲徐範學生蔡
元定呂棋秦慶元三年十二月丁酉知温州王沈朝舜
入見請自今曾係偽學舉薦陞改及舉刑法廉吏自代
之人並令省部籍記姓名與間慢差遣事即行黃子由

為吏部侍郎建言人主不當待天下以黨與不必置籍
以示不廣沈故資政殿學士詔曾孫也五年六月己酉
擢沈利路轉運判官時子由權禮部尚書未幾出帥蜀
張參政岩為殿中侍御史奏子由阿附權臣植立黨羽
遂降子由雜學士奉祠焉

御筆禁言舊事

黨禍既作隆慈與上欲消之御筆今後給舍臺諫
論奏不必更及舊事務在平正以副朕救偏建中之意
時劉德秀為諫長與察官張德秀等上疏言繼自今舊
奸宿惡或滋長不悛臣等不言則誤陛下之進用言之

碍今日之御札若俟其敗壞國事復如前日而後進言則徒有噬臍之悔三者皆無一而可望下此章佈告中外令舊姦知朝廷紀綱尚在不致放肆從之尋詔改不必更及舊事為不必專及舊事黃元章為殿中侍御史獨上言治道在黜其首惡而任其賢使才者不失其職而不才者無所憾故仁宗常曰朕不欲留人過失存于心中此皇極之道也至于前事有合論列事體明證有闕國家利害者臣不敢不以正對疏奏元章竟徙他官

慶元罷臧否

孝宗淳熙中始嚴監司臧否郡守之令既申牧伯部使者數人稽緩之罰時趙溫叔守荆林黃中守下為二上所禮特下詔趣之然行之十餘年其後士大夫徃以人情之厚薄為臧否論者頗患其不公慶元四年十一月庚申新知漢陽軍蔣用之朝辭上疏稍論真偽朝廷是之明年三月甲午右正言陳自强復以為言于是臧否遂罷

慶元臧否縣令

慶元中張君量帥廣西請令監司帥守各于歲終以所部縣令分臧否上中下三等合平而為士次春上奏頒

之考功如臧甲于一路者。凡昔陞擢而否之最者亦加
黜責。其他次第斟酌施行。以為懲勸。從之時。年六月
己丑也。然自來未有舉行之者。明年君量入為臺諫。以
至樞庭。卒不能自行其說云。

紹熙許薦士嘉泰罷泛舉

國朝薦舉之日。自京職官至今錄。其來遠矣。元祐初。司
馬公始奏設文武十科。以舉士。其後又有舉將帥。庶吏
所知。合舊陞陟。自代等科。凡十有一。紹熙元年冬。又詔
監司帥守。滿秩造朝。陞對之際。許薦為所部人才一二。人
如無聽闕。文武高下。皆無所拘。其後三年間。在外被薦

者八九百人。朝廷不能盡用。但令中書省記其姓名。而
已。四年冬。言者謂今被薦者。猥衆朝廷疑其私。而不信。
病其衆而難從。其中縱有賢才。不免與僥倖者併棄。請
條納之。乃詔帥守監司。自今毋得獨員薦士。慶元元年
十一月。又詔諸司薦舉。連銜以聞。明年章德茂帥興元。
薦知利州閬中蒲叔獻等三人。政績有旨。與監司及陞
擢差遣。胡紘為御史。上言叔獻等不聞有過人之才。而
猥以人情之厚。獨銜舉薦。詔勿行。嘉泰二年三月。右正
言施康年。又言近日士大夫。有持庶吏及科目薦章十
餘。至廟堂而得學官者。又有挾三四薦而得院轄者。執

政至無以却之請除陞自代十科外悉行罷去如朝
廷間有特旨令內外舉薦者並具寔迹以聞從之自此
舉薦冒濫少革矣元年七月察官鄧友龍請

覺察所著非其人者從之
執政子孫任祠官

祖宗時執政子弟皆得任內外清要官但不為臺諫兩
省耳自蔡京父子共政秦熈繼之由是典制大壞孝
宗惡焉淳熙八年八月始詔見任宰執臺諫子孫並與
官觀岳廟理為資考慶元六年閏二月又詔許用前宰
執舉狀為職司云

姚次韓論奏謝

此頁吳氏元本後他本抄補
未經補訂即定誤錯誤元

紹興初陳去非在黃門始申嚴奏謝不當之令其後寢
寬慶元中東南有日害人至毆死者而行克之人作何
奏裁姚愈次韓為御史上言如山是詈人之罪重于
殺人三年三月壬寅詔自今有奏謝死罪不當者論如
律

裕民五事

自紹興初令諸道守臣到官半年陳便民五事已又命
給舍看詳其可行者以聞二十六年九月壬子其後寢廢淳熙末
復申行之九年十二月戊午慶元初劉仲洪為諫長復請專付
檢正都司考覈取其近情合理者以聞二年七月戊子三年四

月丙辰復令給舍看詳以白執政而檢正左右司檢詳擬行之然今諸路守臣所上言俱無甚可行特姑存政事而已紹興三年二月甲寅初有詔守臣到任半年具便民或邊防五事以聞者為令

慶元緊要政事五十事

慶元五年十月右諫議大夫陳自强勉之上緊要政事

條目三十門 人才 財用 軍旅 風俗 蓄積

教化 科舉 命令 薦舉 陳諍 學校 爵祿

邊備 禮制 祭祀 賞罰 獄訟 稅賦 農田

奉人 奉祖 宗 取 荒政 秋馬 請令侍從兩省講讀官進

政令 任相 荒政 秋馬 請令侍從兩省講讀官進

故事日于前項政事條目內選擇一事為題先講前代帝王施行得失而登以祖宗故事然後論今日事體所

監司守令元本連寫奉人奉祖宗奉本分寫

宜斷以已意使其進入編為一書如一句而講一事則

一歲之間便有三四十事不過二年朝廷之大政講究

畢矣疏奏從之已而學士高文虎炳如又以二十事上

之如前請 稽古 勤政 威斷 卹刑 惠民 久任

兵制 奉親 考課 選吏 救弊 宗廟 宗室

漕運 茶鹽 常平 錢幣 義倉

何自然論薦舉

趙子直秉政引用所知多自外徑除館學者何自然為

中執法以其廢壞 壽皇成法嘗上疏言之 元年六月巳

而有旨除甲科及經擢用人外須歷知縣有政績諸司

薦舉乃得除職事官用矯其弊命下自然復言若此用

人必有二弊一則其人政事雖無可述而有勢力可宛
轉移書遍囑剡奏鼎來二則諸司之中苟有强有力者
為之主張則他司莫敢違拒寒峻之士無由可進請詔
諸司取實有政績者連銜以聞仍闕御史臺照會若有
不公許本臺覺察從之元年十一月庚戌自然雖有是言然終
不能革嘉泰初鄧友龍察院復奏自慶元三年至于六
年在外被薦者無慮千餘人其間或乏廉敬而舉充廉
吏或素昧平生而舉充所知或不能文而舉可備著述
至于廟堂亦無以處之願詔中外臣寮自今有人則薦
無人則闕儻所薦非人當擇其尤者覺察以聞疏奏從

自此頁至卷末吳氏元本後別本
抄補未經勘定

之元年七月丙戌然亦未嘗有覺察者

監司郡守至官交割庫金

孝宗淳熙中有詔守臣任滿以見管錢物交後政或次

官訖申戶部置籍代者限一月核實以聞著為令九月

乙時蜀人有為提計及典方面者坐過例餽送各數萬正月

緡皆停官九月正月戊子三月癸未

郡守銓量

故事諸道守臣皆臨遣淳熙末上以領蜀道遠始詔
川廣知州運見居川廣合闕到半年前奏事人及係見
關去處並令詣本路轉運司稟事仰漕臣精加銓量人

元作許于願計從吳移改

材委堪任使非昏繆老病之人結狀保明仲尚書省年十月然諸道罕常舉行紹熙末言者論漕司之權比制司為輕而責亦不若制司之重權輕則不敢多有所廢黜責輕則不暇詳于願計州縣不治職之由請一付之制司權重則雖廢黜之多而有所不憚責重則願計利害之深而不敢苟且如此則昏老病疾之人不得冒居而州縣無不治矣趙子直始為政遂白行之五年十月辛卯其後行之數之數年議者不以為當嘉泰元年五月復有一日並赴闕朝辭會之合州郭公變等數人伐者皆過滿帥臣劉仲洪因請于朝乃復令制司銓量免奏事焉

大抵川陝道遠守臣奏事者多以為勞若帥臣公心一意而無託請喜怒予奪之私則銓量為得

嘉泰減奏薦

嘉泰初言者以官冗恩濫請恩娶宗女授官者仍舊法終止身任一子乾道二年六月集議止任而府使相不

得以郊恩奏門客文學歸正官不許添差極邊初官不

許求郡大臣使丁憂解官遇覃恩不得遷秩著為令從

之元年八月己卯

建炎至嘉泰申嚴職吏之禁

自神祖宗開基首嚴職吏之禁重者輒棄市真宗以後

不作非從四字疑

稍從寬貸然亦終身不用建炎二年春高宗祭復詔賊
明罪白者不許堂除及親民差遣犯枉法自盜罪至死
者籍其貲二月四年秋詔自今犯賊免死者杖脊流配
八月是冬湖口令孫咸坐賊黜穎連州上謂輔臣曰
祖宗時賊吏有杖朝堂者黜而特配尚為寬典十一月
紹興四年秀州黃大本遂決刺焉然高宗性仁厚但
行之數人而止七年秋永嘉令季處廉貸死籍其貲自
是為例九月二十六年秋處守鄒相犯賊當死相鄒忠
公子也上見其獄感額久之曰既賊罪不可貸乃編
置吉州九月隆興二年秋統制官魏尚者盜用所部軍

食為錢三千緡獄具孝宗謂湯丞相曰故當事真史

湯相曰尚武人不足深責願陛下三令五申上免存

之九月遂降詔禁止十月其後廣西提刑石郭義抵罪

始制配焉淳熙五年上既申保任京官

連坐之罰十年夏又詔自今盜枉法贓罪至死者籍貲

決配不以秩位之高下形勢之輕重朕將一槩施之六月

戊遂命監司帥臣歲舉部內廉吏一二人其實跡來上

令中書籍記無則闕之六月然亦未有決刺者慶元

年倪正父為吏部侍郎建言今之達官貴人贓以萬計

監司臺諫按發不過放罷前之行遣既不究寔後之辨

雪遂得有辭請自今以貪墨聞者雖未欲送獄根勘亦
合差官究寔懲治庶幾大賊治而小賊已丑其後亦
不克舉行嘉泰二年冬言者又論臣僚賦私巨萬其載
章疏投閒數月便得祠祿請自今皆須二年十一月雖
有是言然臺諫所論或得于風聞朝廷察其誣未嘗不
杖撻也若究實懲治則賄者無以幸免而枉者可以復
直矣舊以絹計贓者千三百為一疋後增至二千紹興
三年高宗以絹直高特下詔增一千九月乾道六年
復詔權以四千為一疋三月甲戌迄今為定制

近歲堂部用闕

此注借誤更多奇句

渡江以來員多闕少中外久患之紹興末寺監丞簿學
官大理司直樞密院編脩官始皆有待次者乾道五年
秋孝宗遂命皆與添差一次自頃見闕乃得除入已
歲冬南郡子率待月兩聞五六年蜀中亦三四年由是
朝士罕肯丐外而務要之人名攘門者淳熙三十年詔
自今存留州郡十五闕止差一政令中書籍記以待職
事官外補慶元二年又增為三十闕非職事官補外毋
得陳乞然廟堂牽于丐請率多借用嘉泰二年夏言者
請以嘉興府處台衢嚴信池袁撫江潮漳泰溫徽州十
五闕令中書再行注籍專待職事官請外如有經營留
闕之人令給舍繳駁臺諫論奏從之四月辛卯今監司帥臣

亦有待闕者。今年炳辛柄知夔州待而侍左選入用六

年闕侍右小使臣用五年半闕云。小使臣初用五年一

六月半闕許之。閏六月戊申吏部請用李

嘉泰禁私史

頃秦丞相既主和議始有私史之禁時李忠簡光嘗以

此重得罪秦相死遂弛語云律近歲私史益多郡國皆

錄本人競傳之嘉泰二年春言者因秦禁私史且請取

李文簡續通鑑長編王季平東都事畧熊子復九朝通

畧李丙丁未錄及諸家傳等書下史官考訂或有裨于

公議即乞存留不許刊行自餘悉皆禁絕違者坐之二月

甲文簡所著長編凡九百餘卷孝宗甚重之季平子

復皆嘗上其書除職遷官仍館丙以父任監行在都益

食乾道八年夏上其所編丁未錄二百卷自治平四年

至靖康元年詔特改京官六月戊戌付國史院然紀載無法

學者弗稱焉其秋商人戴十六者私持子復中興小歷

及通畧等書欲渡淮昭旰軍以聞遂命諸道帥憲臣察

郡邑書坊所鬻凡事于國體者悉令毀弃七月戊申中興小

歷者自建炎初元至紹興之季年雖已成書未嘗進御

其書多避就為精博非長編之比也

建炎以來朝野雜記甲集卷第六

建炎以來朝野雜記甲集卷第七

此卷吳本後刻本補抄本行篇皆存

時事

張魏公誅范瓊

范瓊者山東人靖康初幹高不入寇瓊以萬人勤玉拜

京城都巡檢使二帝北狩張邦昌僭立瓊寔與其謀以

此遷龍神衛四相都指揮使高宗即位釋其罪以為

御營平寇前將軍明年冬俾將兵伐瓊至東平虜方盛

遂自淮西間道移江東日以駭色自奉又轉而之江西

苗劉既誅呂安老為諫官首奏其罪且議取瓊之策時

陳自戩為監察御史奉詔召瓊入朝瓊陳兵以剝人以

四相記四相

懼之陳不為動徐謂瓊曰將軍不見苗劉之事乎願熟
計瓊乃引兵趨行在既至未肯兵因奏乞貸管軍左言
等朋附苗劉之罪又言招盜賊共九萬人皆願聽臣節
制上駭而怒于是時呂忠穆為相張忠獻在樞密院忠
獻奏瓊大逆不道惡罪貫盈今釋不誅他日必有王敦
蘓峻之患上許之公奏曰臣與瓊舊有嫌不敢獨任
其事願付張浚劉彥冲子羽時權樞密院檢詳文字忠
獻退名彥冲謀之夜吏于府中使為榜劄敕書脩明
日退朝乃偽遣神武右軍都統制張浚以千人渡江若
捕他盜者使其衆甲以來因召御副使劉光世及瓊赴

張公自有傳
張公自有傳

都堂計事瓊從兵溢塗巷意象自如也忠穆等相顧未
發彥冲坐廡下恐事覺遽取寫敕黃昏詣前揖瓊下曰
有敕將軍可請大理置對張公數瓊昭愕罪瓊彥冲已
揭榜數其罪狀于省門公使光世出撫其衆曰所誅止
瓊耳若等固天子自將之兵也衆投刃曰諾即分其兵
隸神武五軍械瓊送棘寺後五日有詔賜死中外快之
先是國威不立諸大將多偃蹇不恭及瓊就誅始知有
國法矣

處州義役德興義役

乾道中范文穆成大知處州言松陽縣民輸金買田以

助役戶為三千三百畝有奇排此役次以名聞官不煩
差糾可至一二十年者請命諸縣通行之事下戶部看
詳蓋江浙民久病差役催科往破家竭產用是良民
憚役爭訟囂然故文穆以為言然事未下也及文穆以
為中書舍人復言處州六邑義役已成可以風示四方
美化命守臣胡沂以其規約束上從之乾道七年正月淳熙初
知州事陳孺還朝乃言民間貧富不均今止據舊規差
役爭訟不已請依舊法以物力資次差募事下常平司
三年已而用言者請命郡太守務在必行有能率先量
與推賞六年正月言者又請有罰以禁其沮敗六年二月許之於

是知常州李結請捐官田予民以充義役自兩浙始先
以本州未佃官田二百餘萬畝均給事下版曹給舍乃
命結措置以聞六年正月而卒不能行久之慶之布衣上書
申言義役八年二月詔知州事李翔修朔請民田百畝毋

問官民僧道皆出二畝以助保正長官為置站基簿子
孫毋得覬覦此法一成可為數百年之利上許焉然官
民僧道既出丁役錢又取其田以助役者是再役也議
者又謂官吏科需法所當禁何立法以助殺陪備之資
由是處州舉人經御史臺訴其擾十年六月翔不以為然執
政王魯公等皆是翔時蔣尚書維周為右正言日力論

其擾民請罷翔議令兩浙見行助役去處聽民從便官
司不得與或有爭訟令郡國如着令行十五年冬十月
也先是先君子為饒州德興宰奉詔舉行義役令民
以田之多寡為之久近多者役二年少者不過三月又
自三等以上戶賦輸皆與之期不以護保正至則隨手
給鈔費民一錢用是稅節賦時以後為耻而保正長之
役亦爭先為之不辭邑人繪先君像祠焉大府丞浮梁
程宏圖為之記今二十年矣其義役規約故在當有能
舉行之者云

十二卷官節度使條下云王德諫事詔在時事中此卷皆
之非完書矣丙戌八月晦日彗星諸寓余記

建炎以來朝野雜記甲集第七卷

建炎以來朝野雜記甲集卷第八

七八九三卷皆抄自別本

雜事

宇文肅愍死事

建炎初宇文樞密虛中應詔使北虜人留之後以為樞
密紹興中虛中虛結中虜忠義欲竄虜首郊天日舉事
而使朝廷應之先以蠅書來上會會之用事遽繳其書
遺虜人高宗不之知也會虛中事亦自洩虜族其家
株連死者甚廣淳熙中孝宗念其忠死始贈開府儀
同三司謚肅愍且為置後其孫紹節今為右司郎中
蠅書謚議云爾或未必然蓋自露耳

何文鎮建元帥議

靖康中何文鎮初相虜再犯京師康王在河北文鎮請以靖書拜王為大元帥淵聖可之文鎮既北去御筆藏于其家紹興中文鎮之弟桀持詣秦丞相乞進于朝秦方主和惡聞其事抑不奏秦死桀知萬州乃申建康乞會申王府御筆所在秦氏取而還之淳熙十二年洪端明領史院請下隆州索其書編于中興日歷桀子通判印州事令修以聞詔付史館遷令修一秩如桀州云朝士投匭免知在故事臣民投匭上書者皆從檢院押出名保乃許自便

如桀州誌

紹興三年秋地震求直言太常少卿唐恕應詔上封事檢院官以故例待之辛閣學炳時為臺端言有戲禮意行在職事釐務官上封事者並定封牒送檢鼓院投進不在名保知在還便之限從之

大臣奪情服終

故事大臣奪情者服造光幘情終紫袍卓角帶道君惡之政和末乃議以入官不應變服遂以吉服朝然房家猶喪也紹興初宋藏一起復右僕射請所服太常遂援政和近事為請而居第則終服去佩焉議者不以為是

趙元鎮用伊川門人

趙元鎮初相喜用伊川門下士當時輕薄者遂有伊川三魂之目謂元鎮為尊魂王侍郎居正為強魂以其多忿也謂楊龜山為還魂以其身死而道猶行也時龜山初止朱內翰震言于朝因賻數甚厚故有還魂之目焉

鄭亨仲欲併掌利權

建炎中張魏公為宣撫處置使節制川陝京湖十三路便宜黜陟魏公既罷其后去便宜猶于兵民財無所不搃故其權常重若財賦舊以都轉運使領之然大抵皆隸宣司紹興中秦會之既與鄭亨仲有間十五年十一月始趙侍郎不并以太府少卿為四川宣撫司總領官

蓋奪其柄亨仲不悟也趙入疆移文宣撫司用平牒亨仲見之愕而怒久之始悟其不隸已也十八年宣撫司罷又改為總領四川財賦錢糧蓋自為一司迄今不改然自辛巳用兵後凡文臣執政為官宣撫使則總領官用申狀受約束武臣為宣撫使則抗禮平焉

節度使以軍禮見宣撫

紹興中鄭亨仲為川陝宣撫副使大會諸將于閬州時吳武順璘楊襄毅政郭恭毅浩皆以節度使來會亨仲坐堂上吏贊客亨仲遽興日高猶不出既而政先執挺謁亨仲乃受之尋與璘浩循階以客禮見蓋璘時以右

護軍都統制駐武興浩以樞密院都統制駐漢陰而政
在漢中寔宣撫司都統制故也十八年始有旨並稱某
州駐劄御前諸軍都統制然詣宣威府悉趨庭焉論者
以鄭為得體

虞并甫長者

虞并甫丞相仕未達常調官臨安携所注新唐書以干
秦丞相未上會其同州者竊得本以獻秦并父知之乃
更以他書為贗已而竊書者先去疑并父必怨已遇士
大夫所輒詆之并父還知渠州過夔沈守約丞相為帥
問并父以同州之為人并父稱其美守約屢告之并父
不變守約曰是人毀君不容口君毋為過情并父曰渠
所長甚多但差好罵耳守約太息每稱其長者未幾守
約入參大政白名并父為秘書丞相以至大用云

陳魯公鎮物

紹興末金陵海煬王臨江中外懼朝士多遣家為避
狄計時陳魯公為左相獨鎮之人心少安一日邊郡羽
書來上趣召輔臣公獨後至中使屢趣之陳行愈益緩
上嘗夜出手札欲敬百官浮海避狄公對中使取御札
焚之當是時都人將遁去賴陳不為搖都人乃止北虜
退獨公與王通老家屬在城中

張魏公薦士

隆興初張忠獻公再入為右相上注意甚厚使公條奏
人才可用者公奏虞雍公允陳魏公俊汪端明應王詹
事十朋張尚書闡可備執政劉觀文琪王閣學太杜慶元
起宜即名還胡資政銓可備風憲張舍人祥可付事任
馮提刑行時馮少卿方可備近臣朝士中林侍郎栗王侍
郎祖莫少卿冲可任臺諫諧一時逸也時劉王杜三人皆
以論事去國故公請召之其後悉為名臣終孝宗朝不
顯用者數人而已

趙溫叔使北

趙溫叔為舍人使北還入見上問朕何如葛王溫叔奏
曰臣觀葛王望之不似人君規模氣象不及陛下萬一
中原不日可復也臣敢再拜賀上大悅

韓子師折虜使

淳熙中虜人有舉進士第一者記其姓名不審奉使來賀正旦
自負其辨頗凌慢王人時以韓彥古子師館伴一日虜
使自誦其廷試賦雲屯一百萬騎日射三十六熊之句
以為警策子師遽曰一百萬騎僅能得三十六熊何其
尠也虜使惘然熊射侯也韓不學竊以為熊羆之熊故
虜使猝無以應然自是辭色頗恭時人亦多韓之敏捷

蘇文忠贈官

乾道末蘇文忠特贈太師世或不知其所以蓋仁宗時蘇儀甫嘗為翰林學士元祐中以其子容貴贈太師始儀甫嘗游金山題詩曰僧依玉鑑光中佳人在金鰲背上行至是蜀僧室印住金山摘其詩名軒曰玉鑑又囑張安國大書而刻之張跋云此詩翰林學士贈太師蘇公所賦也碑成僧摹以遺大璫甘昇一日上過其直廬外望見索觀之意以為文忠也時文忠曾孫季真為給事中他日上更書文忠詩以賜之識其末曰故贈太師蘇軾詩季真拜賜疑之前白曰先臣紹興初嘗贈

資政殿學士未嘗贈太師今蒙聖恩乞自朝廷行下上愕曰朕記贈太師久矣季真不敢白間為執政言之執政因奏以為言上始喻山寺詩云乃蘇紳也目即曰如軾名德昭著亦當贈太師于是降旨施行然上雅寔敬文忠居常但稱子瞻東坡舍人草制有曰人傳元祐之學家有眉山之書蓋詞無所憑故但為好語耳

保任京官連坐

保任京官犯賊連坐舊制也然近歲未有舉行者淳熙初錢師魏參政事會其所舉者以賄敗上疏自劾詔特錫三官吏部而因以他舉官名聞皆坐降秩紹興初趙

蘇文忠贈官

乾道末蘇文忠特贈太師世或不知其所以蓋仁宗時蘇儀甫嘗為翰林學士元祐中以其子容貴贈太師儀甫嘗游金山題詩曰僧依玉鑑光中佳人在金鰲背上行至是蜀僧室印住金山摘其詩名軒曰玉鑑又囑張安國大書而刻之張跋云此詩翰林學士贈太師蘇公所賦也碑成僧摹以遺大璫甘昇一日上過其直廬外望見索觀之意以為文忠也時文忠曾孫季真為給事中他日上更書文忠詩以賜之識其末曰故贈太師蘇軾詩季真拜賜疑之前白曰先臣紹興初嘗贈

資政殿學士未嘗贈太師今蒙聖恩乞自朝廷行下

上愕曰朕記贈太師久矣季真不敢白間為執政言之

執政因奏以為言上始喻山寺詩云乃蘇紳也即

予原居書和陶飲酒十三首有所以贈太師句

者嘗亦未知所以至此因集叙云爾

保任京官連坐

保任京官犯賊連坐舊制也然近歲未有舉行者淳熙初錢師魏參政事會其所舉者以賄敗上疏自劾詔特錮三官吏部而因以他舉官名聞皆坐降秩紹興初趙

溫叔所舉以賊抵罪用故事當削三秩而溫叔時為使
相若降三秩則應落衮鉞為銀青光祿大夫朝廷難之
于是自衛國公降封益州郡公降封滎陽郡公蓋用溫
叔例蓋大國視郡公為三衛國故并削封戶

張敬夫遺表

張敬夫帥荊州唐子春疾甚數丐免不許將死自作遺
表來上即吏以庶寮不得上遺表卻之上迄不見也其
表曰再世蒙恩一心報國大命至此厥路無由猶有微
情不能自己伏望陛下親君子遠小人信任絕一已
之偏好惡公天下之見永清四海克鞏丕圖臣死之日

猶生之年敬夫了然不亂如此所謂古之遺忠矣敬夫
卒之四日上聞知其疾病乃右文殿修撰奉祠敬夫
始以父任為右丞務郎平生未嘗乞磨勘上知其
在廣西特進二秩為承事郎故職雖高終不得任子云

王瞻叔與王時亨爭禮

自席大光後成都守臣率庶四川太師惟本路監司以
轄之故得就廳事所下馬他路則不然為守者率侍
從近臣故監司見者必上喝更乘小輿自側門入紹興
末王時亨為守王瞻叔為轉運使將穿戟吏以故事白
止之瞻叔不平他日檄府以某日按見金穀簿書遂傳

呼入戟據設廳而坐謂典吏曰今日轉運副使來檢點成都府公事非見制置使也時亨不能語

郡守越境省親

故事守臣無得越境者王正仲守揚其親居潤才隔一水正仲因乞告省親許之乾道中史丞相守紹興援例省其母于四明越屬郡也淳熙末耿直之侍郎為四明守其父年九十矣直之以親病乞未聽直之用故事謁告歸江陰省親上特許之時有為湖廣提領者以母老請用季春至湖州迎侍上亦許焉孝宗錫類之施每如此

奉祀汾陰寶

淳熙十四年春有士人聶愿者獲一古印以皇帝駕奉祀汾陰之寶九字為文重十三兩士愿以為真宗西祀所作時吳少保珣為淮東提領以五百千償士愿取其寶獻于朝詔藏天章閣士愿以其寶生金所鑄償價未足詣御史府訴之蔣世脩繼周為中執法請命有司覆寔且言祖宗遺寶復歸中禁縱使是銅亦當溥賞務重大體豈較細微事下工部將作監覆寔驗之果銅也乃詔士愿免罪三月按汾陰記封金匱用受金寶封石匱用天下同文寶不見于記載故朝論疑之卒不加賞云

陳子長築紹熙堰
兩淮土沃而多曠土人且耕且種不待耘耔而收十倍
浙民每于秋熟以小舟載其家至淮上為淮民獲田主
僅收十五他皆為浙人得之以舟載所得而歸有張拐
腿者淮東土豪也其家歲收穀七十萬斛金亮入寇執
得之問以江南虛寔張不肯言亮鬻其兩股無餘終不
以告乃舍之後虜退師張亦不死淮民因謂之拐腿云
紹熙末陳子長捐之提舉淮東常平以淮田多沮洳因
築堤數百里捍之得良田數萬頃事聞賜名紹熙堰子
長除直秘閣淮東轉運判官朝廷念淮民至於捐其稅

建炎以來朝野雜記甲集卷第八

此卷亦缺非全書百甲九月十日補正記

其文心未明... 甲集卷第八

建炎以來朝野雜記甲集卷第九

故事

潛藩州建軍府名

舊制天子即位嘗所領州鎮自防禦州而下皆陞軍名

節鎮州則建為府如英宗自齊州防禦使登極升齊

州為興德軍神宗自忠武軍節度使建儲升許州為

隸昌府之類孝宗受禪以始封洪鼎建宣州舊有軍

額則建為隆興常德寧國建寧府而劍州止升為普安

軍紹興中始再蓋用此制光宗自榮州刺史進封恭

王今上自國公出就傳後封嘉王四川皆為文郡然

吳校錄當作願或許

月字推己甲集卷九

故事

三州躡升為重慶英德嘉定府而榮州至今不錫軍名
蓋中書之誤

百官轉對

故事百官五日一轉對紹興六年十一月詔百官應轉
對而疾病者許封進文字更不引對其後秦相當國久
惡聞人言于是百官當對者多托病不上十七年八月
詔自今當對面在告者竢病瘡日上殿命吏部納東之
然所對者不過大理寺官十餘人姑應故事而已自
孝宗臨政垂意人才乾道淳熙間朝士抱才氣者皆以得
見上為嘉而碌碌者頗以傳對為憂然士大夫不為

吳校對面當面對位法
面之而字之訛

大臣所喜者往竢其對班將至預徙他官至有立朝踰
年而不得見上者蓋輪其官而不輪其人此立法之
弊

大臣賜書閣名

宣政間大臣賜書閣多得御書閣名若蔡京曰君臣慶
會王黼曰得賢治定是也紹興初高宗以平江朱勗
南園賜韓忠武頌其賜書閣曰懋功後秦申王閣曰一
德格天揚和王閣曰風雲慶會史會稽王閣曰明良慶

會云皇甫坦賜書閣
名紹興煥文

宰臣生拜太師

國朝自建隆至紹興宰相生拜太師者五人爾趙韓王
普文潞公博蔡魯公京秦申王檜史會稽王浩惟蔡秦
二人以相臣特拜其他皆還政加恩云

親王生拜太師

本朝親王生拜太師者五人真宗朝楚王元佐仁
宗朝燕王元儼哲宗朝吳王顥欽宗朝燕王旻越
王偲皆以父兄行乃得之紹熙中嗣秀王伯圭宗以室特
拜太師蓋王子亮宗為親伯用優禮也

建隆至嘉泰宰相數

國朝宰相自建隆至嘉泰凡一百有二人前輩既自建

隆元年至元祐五年一百三十年凡五十人自元祐五
年至紹興六年四十四年凡二十八人以為兩倍于前
矣自紹興七年至今嘉泰二年六十六年其間宰相或
席不暇煖而才二十有四人蓋秦會之獨相十八年故
也

中興宰相久任者

中興宰相二十九年自秦申王外其踰三年者八人而
已王魯公淳熙八年相十五年罷凡七年留衛公淳熙
十五年相紹興五年罷京魏公慶元二年相六年薨皆
五年陳魯公紹興二十九年相隆興元年罷凡四年虞

雍公乾道五年相八年罷趙衛公淳熙五年相八年罷
周益公淳熙十四年相紹興元年罷皆三年謝魯公慶
元六年相至今迹近三年

宰相位公孤封國

高宗宰相十五人惟秦會之為太師呂元真為少保其
他未有至公相者而封國亦止二人秦益公檜 孝宗

宰相十五人生至少者五人而已史文惠太傅張忠獻

陳正獻皆省少師陳文恭虞忠肅皆少保然封國者已

十人陳文公王文定皆封魯史文惠張忠獻陳正獻皆

衛周少紹熙後宰相凡七人京仲遠以少傅封異國公

周洪道留仲至謝子肅以少保封益衛魯三國公葛楚

輔余處恭官皆至特進宰相官爵之穹未有如近歲者

也

中興宰相封國數

中興宰相封國者有呂忠穆成秦申王莘衛虞張忠獻

和湯特進榮慶陳文恭信福史郡王永魏陳正獻申福

忠肅濟咸梁文靜儀趙開府沂王特進信福周少傅

益許留少保申衛京文忠沂鄭謝少保申岐

一國封兩公

故事未有一國封兩公者宣和末鄭達明封燕國公及

薨蔡攸乃封燕國淳熙中史太保封魏陳少傅封福及
慶典陳少傅進封魏國公時史公尚無恙也近歲趙沂
公既封衛後數歲留申公以左揆復封衛國公一國兩
公蓋失于討論耳

宰相追封王爵

中興宰相追封王爵者二人秦申王以久任史會稽王
以舊異皆異數也

中興諸將封王數

中興諸將生享王封者四人張忠烈循楊武恭和楊武
恭存吳武順璘追封真王者五人張忠烈循韓武恭和

吳武順信韓忠武斲吳武安浚追封郡王者一人劉武

光世安城郡王

中興外戚封王數

中興外戚封王者自信安孟王忠厚始其後平樂章王
淵天寧吳王益永寧郭王師禹皆以元舅之貴乃得之
慶元中韓太傅侂胄以中宮從曾祖封平原郡王蓋殊
命也

高宗朝參政最多

太宗乾德二年始置參知政事自是凡十三年止四人
而已仁宗在位四十二年參知政事凡三十七人

徽宗在位二十六年凡三十四人高宗在位三十六年凡四十八人孝宗在位二十八年凡三十四人以累朝較之高宗朝除人最多蓋秦丞相專權不欲其久在位故耳

故事小兩制除執政者乾道二年蔣子禮始自中書舍人除簽書樞密院事

中興左揆數

中興左相十六人高宗朝七孝宗朝六先宗及慶元嘉泰三外若范覺民洪景伯蔣子禮葉夢錫趙溫

叔皆獨相而止居右朱藏一張德遠史直翁梁叔子皆再入而亦止為右揆焉

本朝宰執父在恩數

本朝執政父在者若王文康溥章雷州惇張文孝觀吳正肅奎安觀文壽何開府稟朝廷皆因其人踐二府而後加恩命然但除四品寄祿官致仕爾徽宗用李太宰彥秉政眷遇甚渥其父浦始特除右文殿修撰遷寶文閣侍制奉朝請及死又贈雜學士謚宣簡云浦懷州人以鍛銀為生其除拜皆非故事然當時無正之者政和初林彥正據自翰林擢為執政其父即以寶文閣待

制遷直學士蓋異數也近歲程泰政松為諫長其父九萬以子在臺省日久自直敷文閣除祕閣修撰嘉泰中以程入兩地再直華文閣待與提舉醴泉觀奉朝請視政和息數為優云

國朝父子祖孫兄弟宰執數

國朝父子宰相二家呂許公申韓魏公儀祖孫宰相曾

魯公欽兄弟宰相一家韓康公莊父子執政十三家曹

武惠穆子武韓忠猷子猷肅持石元懿子文陳晉公恭

王仲明簡子忠王惠獻簡子安呂文靖子惠穆范文正子忠

猷曾宣靖倬子令蔡新州清子彥蔡儋州安子居秦申王陽子伯

王敏節甫子能祖孫執政八家張師點翼王簡王文献孫康

梁莊肅甫孫才富文忠申孫季張章簡孫元張榮僖曾孫錢

文僖元孫和蔣穎叔子禮兄弟執政十二家呂鎮弟正陳

文宗弟惠任康懿弟安吳正肅憲弟正吳惠穆弟正韓猷

肅弟特國王文公甫弟和蔡儋州度弟元鄧子能弟文洪文

惠弟安宇文仲理弟肅叔姪執政四家胡文恭修簡林

文節從子史簽樞從子惠章文猷從子厚三世宰相呂文

穆從孫正猷三世執政二家韓魏公孫似夫曾魯公

孫欽道四世執政一家呂許公正猷曾孫舜徒

渡江後父子兄弟建節數

渡江後父子建節十三家劉光世子景錢忱子景邢煥

子孝韋淵子謙吳玠子拱吳璘子挺郭浩子果楊存中子侯劉錡子式

仲吳益子珩吳益子懷吳挺子儀兄弟建節七家吳玠子璘錢

忱子恒常謙子諒吳益子蓋吳拱子挺吳珩子懷李孝友子純三世節

度使一家吳璘子挺四世節度使二家錢忱子高祖惟演子曾

景鄭藻子紳父成子五世節度使一家韓侂胄子忠

從曾孫同鄉本朝未三十知制詔未四十拜相者

本朝未三十知制詔者蘇文簡子六吳元中子七晏元

獻宋宣獻王懿恪張安國子八王文正夏文莊子十皆三未

四十執政寇萊公子三張魏公子三晏元獻子五蘇文簡

錢宣靖韓魏公子六趙韓王王沂公子九富韓公子四未

四十拜相者范覺民子一吳元中何鎮子十皆三張魏公子三

中興學士秉政者

中興學士自建炎丁未至嘉泰壬戌凡七十人承旨直

並大拜者十一人朱忠靖勝非沈特進諤湯慶公退虞

雍公文先史魏公浩洪文惠適蔣觀文希梁鄭公家克周益

公大必王魯公淮葛開府郊執政者又二十九人可謂盛

矣

渡江後學士再入三八者

渡江後學士三八者二人胡端明修王端明儼再入者

十六人張文靖守墓學密山沈忠獻與陳資政義與孫

資政近劉閣學才李侍郎椿年洪文安遵錢給事材周洪文

敏邁劉忠肅珙劉資政聞周益公必王魯公淮倪侍郎

忠

國朝學士久任再入三八者

學士久次者晁文淵廼十六年王文公珪十三年王文

忠堯十二年宋文安白章文憲得趙清憲抃楊內翰偉

皆十一年陶尚書毅丁文簡度皆十年扈尚書蒙蘓恭

政簡賈泰政中李昌武鏗孫文懿抃胡文恭宿皆九年

徐常侍鉉楊文公億皆八年歐陽常待廼宋宣獻綬歐

陽公修皆七年梁給事朝李相州維晏元獻殊馮宣靖

元皆六年熙寧學士率一二年即遷久次者三四年而

已高宗朝湯慶公孝宗朝周益公始皆六年學

士再入三八者宋文安兩入凡二十年李相州孫文懿

皆十二年楊文公范仲文皆九年曾宣靖馮文簡皆七

年葉道卿張文定皆六年宋景文楊宣懿皆三十而止

五年渡江後周益公再入凡九年胡端明二入跨六年

久次者止此二公而已

父子兄弟入院數

錢文僖公記父子入院一家李文政武昌兄弟入院三家

二寶望之象二李文靖相州二錢希白師聖以為極盛矣其後父子

入院者又四家錢希白子飛梁仲素莊肅蘓儀父子容洪忠宣

景白景兄弟入院者九家二陳文惠肅二宗元憲二吳肅正

嚴景廬肅二韓文忠二魯文昭二蔡元長二字文仲

憲二文惠二文定二文昭二文昭二文昭二文昭二文昭

通三文惠安景廬然馮氏父子兄弟入院翰苑者四人古今

西閣久次

祖宗時西閣久次者王晉公再入凡十六年朱公奭十

二年廬崖相十一年扈日用李孟雍皆十年張尚賢石

文定皆九年錢文僖宋宣猷李儀父皆八年李相州王

沂公劉子儀張文孝皆七年盛文肅錢希白丁文簡晁

文莊皆六年

非進士除內外制臺諫經筵史館事始

國朝非進士出身除學士林彥俊始格但避嫌不赴廷

試除舍人自顏夷仲始除講官自吳傳正始除諫官自

徐師川始除臺官自曾統始除史官自郡博始任甲先

出後乃入史院

中興講讀官節料

郡博及注脫誤

中興誦讀官三大節料大觀文錢百五十大資政以上
錢百千從官錢五十千餘官錢三十千紹興十五年冬
酒十瓶從官酒三瓶酒三瓶所著令也

制科宰執數

國朝制策登科四十人至宰相者一人而已富文忠弼
執政者九人夏文莊竦吳正肅育張文定方田宣簡况

吳文肅奎印安簡轍李黃門清蘓文定清范榮公百

詞科宰執數

自紹聖乙亥至紹熙癸丑以宏詞中選者凡七十二人
其後至宰執者十一人孫忠定傅滕樞密康廬左丞益

張文靖守范泰政同秦忠獻檜周樞密之麟洪文惠适洪

文安遵湯慶公思周益公大必入翰苑者二十一人吳龍

學升廬左丞益孫尚書覲張文靖守滕樞密康胡尚書

友范泰政同劉侍郎印才王端明儼湯丞相思周樞密之麟

洪丞相适洪樞密遵洪內翰邁莫直院濟周丞相大趙

舍人中彦李尚書嶽陳侍郎峴陳內翰宗

狀元大拜數

建隆已來狀元已歿者六十九人而大拜者七人而已

呂文穆蒙王文正曾李文定迪宋元憲序何開府稟梁

文靖克趙銀青汝遇是也執政凡十人楊樞密炳王景

莊嗣 蘇恭政簡 陳文忠 雙堯 張文孝 觀蔡文忠 齊王文忠
堯 馮文簡 京許黃門 將陳樞密 之誠 鄭樞密 僑是也 節度
使二人 陳康肅 堯 王懿恪 辰是也

父子祖孫兄弟狀元父子兄弟賢良

國朝父子狀元三年 家張去華 子師 安德裕 子守 梁顯 固

祖孫狀元一家 沈邁 孫晦 兄弟狀元二家 二陳 文忠 肅 二孫

漢公 父子賢良一家 錢希白 子明逸 兄弟賢良二家 二

錢 子高 二 蘇 文忠 子飛 文定

狀元舉制科

唐貞元中 魏弘簡 以狀元舉賢良 自後無繼之者 至國

朝而狀元舉制策者 復二人 孫舍人 何孫 學士 暨二公

咸平初 連榜冠多士 咸平四年 同以賢良方正登科 近

古所未有也

狀元年三十以下數

狀元年三十以下者 王宣徽 拱 汪端明 辰 應年十八 沈內

翰 遺年二十 莫內翰 儔 二十二 梁內翰 顯 張舍人 祥 王

尚書 仇 皆二十三 楊樞密 炳 蘇恭政 簡 木尚書 待 皆二

十四 王丞相 曾 王恭政 堯 張監丞 唐 賈內翰 顯 彭尚書

汝 衛舍人 汪 皆二十五 何僕射 稟 趙丞相 汝 皆二十七

蔡樞密 齊 宋丞相 庠 馮樞使 京 楊監丞 寘 姚秘書 穎 王

叔興昂皆二十九陳樞相雙堯張恭政現詹舍人馭許僉
判奕皆年三十

狀元十年執政五年持橐人數

狀元及第不出十年而執政者呂許公蒙正丁丑榜癸未

年叅知政事凡七年董資政元德丁卯榜甲戌年叅知政

事凡八年梁鄭公克庚辰榜己丑年簽書樞密院事凡

十年狀元及第不出五年為侍從者余給事稟自及第

至給事中凡二年蘓恭政簡霍侍郎友端自及第至知制

誥凡四年陳英公堯自及第至知制誥凡五年凡此外

呂許公何文鎮自登第至大拜十二年梁鄭公自登第

至大拜十三年而王文正馮文簡趙莊叔自登第至知

制誥亦止六年趙溫叔自登第至中書舍人亦止八年

狀元三年執政者二年持橐者

秦仲陽紹興十二年以右通直郎登第一年而為禮部

侍郎三年而知樞密院事其子塤紹興二十四年登第

明年為禮部侍郎古今所未有也

狀元特任子

仁宗時孫暨楊寔死于京官皆得官一子紹興元年六

月利州通判何洙言其弟渙死于承事郎太學博士請

予一官許之其後王司業終于承議郎直顯謨閣

淳熙中

余校書復終于奏議即慶元皆特官其子一人用此故事

近臣舉御史

祖宗故事御史有關例命兩制李士舍人給舍中丞知雜知雜京侍御史同舉一二人自官制行朝廷直除而已淳熙初孝宗始復故事命近官參舉然從官皆畏避鮮敢以聞故此制又廢至紹熙末終一舉行耳

南班宗室及堂後官臺參事始

中興後南班宗室赴臺參事始紹興四年二月朔堂後官赴臺

參自魏彥弼等紹興三年九月皆本臺請也

始下疑有脫

舍人引嫌不州制

紹興初王剛中居正獨員為中書舍人時適當三制一其弟居修改京官二甥婿劉立道除起居舍人三本身磨勘剛中引嫌自言乃命左司郎官周綱權舍人命詞行下其後李舍人誼兼直學士院屬李丞相伯紀辭免潭帥有詔不允而李嘗劾伯紀免章略曰當時言路公肆詆誣李亦以為言乃命劉舍人一正草制焉都司行制詞閣下草批荅二事皆東都所未有也先是胡尚書交修直覺士院其姪丞公請祠不許胡當為荅即引嫌于朝乃命胡明仲舍人為之遂為故事

邵字疑

舍人草內制

近歲翰苑止雙員淳熙五年學士周洪道為御試詳定
官直院范致能除叅知政事本院關官得旨遇有撰述
文字依例權送中書舍人十四年學士洪景知貢舉直
院李獻之出使王待制詔孔目官李植請于朝遂用五
年例云

檢正讀錄黃

紹興二年十二月韓世忠賞功文字給事中賈安宅除
部侍郎門下後省關官乃詔檢正學李與權書讀此事
亦前所未有

密白

舊制樞密院事並過下省乾道元年十二月癸卯言省
自今樞密院已被旨文書並閣中書門下依三省式書
黃書讀以示欽重出命之意從之然密院機連事則不
由中書直門下省謂密白慶元三年樞密院以密白遷
補潛邸醫官二人給事中許深父以非舊典爭之遂寢
其命

給舍不許列銜奏事

自元豐分三省中書舍人于制勅有誤許其論奏而給
事中乃所以駁正中書遺失紹興以來間有駁正或給

事中書舍人列銜同奏乾道五年二月辛亥中書舍人
汪養源言神宗官制以中書為出令之官而門下審駁
覆正然後付之尚書三省皆置官屬以便相彌縫可否
分守甚嚴無碍侵越今給列銜同奏則是中書門下混
而為一非神宗所以明職分防關失之意上以為然詔
復從舊例

元作列御下同
吳政銜

禮官學士爭詔紙

乾道中李仁父為禮官郎中洪景盧直學士院時占城
入貢詔學士院答勅景盧引故事乞用金花白藤紙寫
詔而仁父上言當從紹興近例用白藤紙作勅書景盧

以為侵官論奏其事上曰禮官議禮豈可謂之侵官
近例可憑止從紹興可也景盧深不憚其後仁父修四
朝列傳垂就而卒上命景盧續成之景盧筆削舊史
乃無完篇蓋素不相樂也于是上促書進甚急而新書
未畢王稱季平以東都事畧來獻遂取用焉或者但見
新書踈畧舛^誤甚多而不知倉卒之間不暇考擇也書成
進御景盧援季平于朝遂得直秘閣云

官告式

自建炎後侍從及宗室南班官遷除始給告大卿監防
禦使以下止用黃勅其後以絹代綾羅縑羅代錦_{監察}
_{御史}

以上紹興四年始命職事官監司以上並給告十四年
始用錦其後又詔內命婦及外命婦郡夫人已上乃得
用網袋及銷金其餘則否淳熙十三年李叔永昌圖為
工部侍郎南郊息贈其父用賓官私命文思院工闡諒
以銷金綾紙為告陳子榮侍御劾于朝坐落職奉祠
前官許服紅帶

故事從官不帶待制已上職名而罷者止服黑帶佩魚
淳熙中王仲行自吏部尚書除端明殿學士知紹興府
未行以言章奪職仲行以辭朝上殿服金帶垂魚而入
閣門吏止之仲行即解所佩魚閣門猶以為不可乃從
小吏解黑帶以見仲行殊不平十年十月始有旨權待
郎以上罷任不帶職許服紅鞵排方黑犀帶仍佩魚自
是遂為定制

紫衫

自軍興士大夫始衣紫窄衫上下如一紹興元年八月
甲子詔公卿長吏毋得以戎服臨民復用官帶然迄不
行秦會之死魏道弼秉政復舉行之論者以為擾士人
貧者猶苦之未幾道弼為諫臺所攻遂罷政章中數事
此其一也于是紫衫既廢士大夫皆服涼衫乾道中李
猷之為學士為上言會聚之際顏色可憎今陛下

上奉兩宮宜服紫衫為便。上從之。蓋自渡江以來，人情日趨簡，不可復古矣。

孝宗之喪，趙子直當國，始令群臣服白涼衫，皂帶以治事。逮終喪，乃止論者以為是。及光宗之喪，禮部侍郎陳宗名復請百官以日易月禫，除畢服紫衫，皂帶以治事。從之。

渡江後賜墓碑額

渡江後大臣未有賜墓碑者。紹興初，上始書韓文定神道曰：世濟盛德之碑。其後得此賜者亦不多。秦丞相

元本上作韓，斬去父視碑額，言非韓王父墓額。沈後云：此後有韓王墓，必有誤。

父清德秦丞相決策元功陳文恭旌忠韓蘄王安民定
德劉忠顯旌忠吳信王安民保韓蘄王中興佐命定
史太師純誠厚周益公忠文

大臣謚之極美者

大臣謚之極美者有二：本勲勞則忠獻為美，論德業則文正為美。有國二百年，謚忠獻者才三人：趙韓王、韓魏王、張魏公是也。謚文正者亦才三人：王沂公、范汝南公、司馬溫公是也。其品可知矣。李司空、王太尉皆謚文貞耳。
宣政間，蔡卞、鄭居中亦謚文正，終不足錄。
定謚不許更易。

慶元末京丞相薨賜謚文穆既而其子沈請避家諱改
文忠于是言者以為楊億巨儒既謚曰文議者欲加一
忠字竟不之與夫欲加一字猶且不可况以二字又欲
極美乎望敕攸司自今議謚務當其寔其或不然當准
古法以遜奪不定論若定謚已下其子孫請再更易者
以違制論從之

渡江後改謚

渡江後公卿謚號王仲言揮麈錄有之但殊脫畧今不
能盡記其更易者韓師朴丞相初請謚王剴中為博
士謚曰文禮謚法奉議
順則曰禮取其為禮官時不主王荆公坐

講之議也而韓氏子謂自來未有以禮為謚者以白時
相范覺民語剴中不為改于是用吏部覆議改為
文定左選侍郎
李長民京東帥曾孝序之死難也博士錢葉謚
曰剛愨執事嫌之乃改曰威韓都尉嘉彥之請謚也博

士華權定為夷節而方庭寔在考功以端節易之司馬
侍郎朴之賜謚也博士顏林宗定以忠肅而張敬夫在
吏部以忠潔易之此四者皆于謚未定之前更易者也
代州王忠植之死事也太常謚為義節而秦丞相以無
忠字疑之令別議太常謂若以忠為謚則子孫誦之非
易名之義遂已孝宗初立命有司為岳飛作謚太常議

危身奉上曰忠使民悲傷曰愍。孝宗以為用愍字則于上皇為失政却之乃改為武穆。此二者皆于謚已定未下之前有所退而却者也。劉莘老丞相初謚正肅當矣而正字犯丞相父名乃改為忠肅。趙崇公叔寓初謚敦簡矣而敦字與光宗御諱同音其曾孫德光請于朝改謚清簡。此二者皆出于謚號以下之後然迫于名諱不容不避者也。蓋自紹興至淳熙六十餘年之間改謚總六七皆有所以為非京丞相之比矣。張昞政綱初謚文定汪聖錫為吏部尚書駁之乃改章簡後其孫貴竟復文定焉。

乾隆丁亥正月四日小雨乍晴校於知不足齋

建炎以來朝野雜記甲集卷第九終

丙申九月十日早起補遺校

建炎以來朝野雜記甲集卷第十

官制一

丞相 總論建隆至乾道相名更易

丞相秦官也。自漢末改為大司徒。歷代不能正國。初循唐制。以三公至列曹侍郎同平章事為宰相。首相帶昭文館大學士。亞相帶監修國史。末相帶集賢殿大學士。神宗新官制。于三省置侍中。中書尚書二令。虛而不除。以尚書左右僕射兼門下中書侍郎為兩相。然中書撥而議之。門下審而覆之。尚書承而行之。則是首相不復與朝廷議論矣。元祐初。司馬公相。乃請令三省合班奏。

事分省治事自紹聖以後皆因之時議者謂門下相九
事既同進呈則不應自駁已行之命是省審之職可廢
也政和中蔡京以太師總領三省號公相乃廢尚書令
改侍中中書令為左輔右弼亦虛而不除改左右僕射
為太宰少宰仍兼兩省侍郎靖康中何文顯將拜相在
夢人持弓矢射中其僕乃先乞渡太宰少宰為僕射吳
正仲當制請更為丞相不從建炎三年呂元直初相議
者有請併三省為一于是元直解中書侍郎改同中書
門下平章事乾道八年孝宗稽古改左右僕射為左
右丞相去侍中而今之名遂為定制矣

御營使

御營宿衛使

御營使者建炎元年始命宰相李伯紀為之本以行幸
提齊軍中之政其後遂專兵柄樞密院幾无所預呂元
直在位專恣尤甚臺官趙元鎮等以為言元直遂免時
議者以為宰相之職無所不統本朝沿五代之制政事
分為兩府兵權付与樞密本年又置御營使是政出于
三也請罷御營司以兵權付之樞密而以宰相兼知庶
幾可以收兵柄一賞罰節財用四年六月甲戌遂以宰
相范覓民兼知樞密院事罷御營使及官屬以其事歸
密院為機速房焉

御營使一員或二人以宰相兼副使
一員以執政官兼參贊軍事以從官

兼提舉一行事務以大將兼其將紹興三十一年金海
佐有都統制一員及五軍統制以下官
陵入寇上將臨江視師其冬以和義郡王楊存中為
御營宿衛使虜平復免明年孝宗即位又以御營使
命之然但自名一司掌殿前忠勇等軍非復建炎之比
矣

都督軍馬同都督

都督古官也晉宋間有之自唐以後不置紹興初呂元
直復相謀進取秦會之亦欲奪其權乃共議令元直以
左僕射都督江淮荆浙諸軍事置司鎮江元直竟之遽
歸而命孟富文以叅知政事權同都督已而落權字四

年趙元鎮自知樞密院事為川陝宣撫處置使元鎮以
與吳玠共事為嫌乃改都督川陝荆襄諸軍事五年春
元鎮與張德遠並相遂帶兼都督諸路軍馬八衛七年
秋德遠將罷先廢都督府隆興初德遠再入乃命以樞
密使都督江淮軍馬焉二年德遠去位都督府復廢其
秋紇石烈志寧入寇詔湯進之以左僕射為之進之逗
遛不行乃命王瞻叔以叅知政事為同都督瞻叔亦丐
免于是遂命和義王楊存中代為都督府非宰相而為
都督自此始

都督行府

張魏公之初為都督也。以行府為名。凡事于朝廷。則關三省樞密院。孟富文時在政府。太平曰三省密院。乃奉行。府文書。和因稱疾求去。隆興初。魏公再為都督。時宰相陳魯公湯慶公皆主和議。故朝廷所行多與都督府異。魏公乃言。臣節制江淮軍馬。其進退調發。當從督府取旨。施行。近日主兵官及帥守監司。輒以軍期事務。徑申朝廷。乞劄下。依本府指揮。仍取當行人責軍令狀。外謹具奏。知上曰。豈有不申朝廷之理。十月辛巳。乃詔江淮軍馬調發。應援。從督府取旨施行。其餘事務。並令申奏如舊。

督視軍馬

督視軍馬者。紹興三十一年冬十一月。葉審言始以知樞密院事。為之朝議。以審言非相臣。故其名下都督一等。蓋不考趙豐公故事。失之也。隆興初。張魏公既為江淮都督。乃命汪明遠。澈以叅知政事。督視湖北京西軍馬。馬方城失守。汪責台州。遂并令魏公督之。

制國用使

同知國用事

制國用使。舊未有。隆興初。言者請法有唐之制。命宰相兼領三司使職事。財穀出納之大綱。宰相領之。于上而戶部治其詳。上是之。命秘書省討論。來上。乾道二年。

冬遂命宰相兼制國用使叅知政事同知國用事五年
二月戊申罷國用司八年正丞相官名夏四月詔丞相
事無不統所有兼制國用事典叅政更不入銜云

叅知政事

叅知政事自太祖朝始置元豐官制改為門下中書
侍郎尚書左右丞建炎三年合三省之政于是李漢老
自尚書右丞改除叅知政事復舊制也故事丞相謁告
則叅預政事之臣例不得進擬差除惟丞相薨罷上
未得人則叅知政事行相事多不踰年少者才旬日獨
淳熙初葉夢錫罷相龔定之行丞相事近三年言者以

為懷私擅政遂有英州之禍焉

樞密使

樞密使自唐以來率二員周末魏仁浦吳延祚並為之
國初仁浦拜集賢相自是止除一使至太平興國初曹
武惠彬楚景襄昭輔始復並除後未有繼之者及真
宗中年以王文穆陳文忠並為樞密使由是遂為故事
迄仁宗不改英宗治平四年文忠烈呂惠穆神
宗熙寧五年文忠烈陳秀公並使樞密庭用此故事高
宗紹興十年張循王浚韓蘄王世忠既罷兵乃並除樞
密使十二年張循王猶在位特以孟信安王忠厚為山

陵使乃亦暫拜樞密使渡江後元樞並除蓋有所作為也

知樞密院事

知樞密院事。太宗淳化二年始置以張遜為之。然使與知院未嘗並除。熙寧元年文潞公呂宣徽為使陳秀公自會稽召為知院非故事也。元豐官制行廢樞密使。故政和未鄧華公官至少保猶止為知院事。其後鄧居中蔡攸童貫之徒既位三公乃更領樞密院事。紹興七年秦申王為使沈忠敏自同知遷知院事。蓋張魏公既荐秦相未欲其與已並。又以故相不可除他官乃先白

高宗降旨以本兵之地事權宜重依祖宗故事置樞密院使而知院同知院亦皆仍舊由是並除自後則否

樞密副使

祖宗故事樞密置使則除副使置知院則除同知院。淳化二年太宗既以張遜知密院于是寇忠愍溫公肅皆自副使改同知院事。康定元年仁宗用晏元獻公為樞密院使于是王鄧公杜正獻鄭天休皆自同知改除副使。自後皆然。元豐未廢副使渡江後秦申王首復除樞密使王敏節副之。既而張韓二大將並除樞密使岳武穆副之。合故典矣。近歲張魏公汪明遠虞并父王公明

王季海周洪道王謙仲趙子直繼除樞密使而其副止
稱周知蓋相承之誤

簽書樞密院事

簽書樞密院事太宗興國四年置是時石元懿公以兵
部員外郎充樞密直學士正本官職簽自是初除皆帶
密直及罷政乃拜端明殿學士焉太宗至真宗廟文臣
樞密才五人其四人
還樞密副張文定以本官罷至神宗時曾公紳以憂去
免喪乃除端明元祐後王彥霖劉仲馮皆以端明罷遂
為故元豐官制廢簽樞其後童貫以使相為之上以貫
事
官至三司乃更為領院事靖康初李泰政回首拜延康
殿學士簽書延康今為端明自是遂為故事

同簽書樞密院事

同簽書樞密院事自郭宣徽後不置明受末李漢老鄭
致剛嘗並拜未及謝而上反正李遷右丞鄭落同字
紹興九年王倫交割地界亦命帶焉其後不復置隆興
末虞雍公一為之

陞朝官除簽樞

簽書樞密院故事有之員外郎為之而無三丞以下為
之者元祐初王彥霖以承議郎龍圖閣待制除授乃特
遷朝奉郎建炎後張全真富季申皆自奉議郎御史中
丞除簽樞亦用此制靖康二年曹忠達輔紹興十四年

李資政文會皆以陞朝官為之曹承議郎李奉議郎蓋中書失之

而舍人無正之者張說本末

自建炎以來樞密使副參用文武仁宗親政以後但除夏守斌王貽永王德用狄青數人英宗朝郭逵一人而已元豐改官制武臣不為二府政和末始命童貫簽書河西北而兩房事後遂領院事焉靖康用兵乃除种忠憲師道建炎中復除王襄愍淵時苗傅等不平遂有明受之變自是武臣不復典樞密矣紹興九年秦丞相將罷三大將兵柄乃以樞密使副授之蓋自童貫後

皆因事用人非常典也乾道七年張說為明州觀察使樞密都丞旨說娶壽聖皇后女弟上厚眷之時為政乃除說簽書樞密院事制下朝論闕然說辭不果拜以安慶軍節度使還第馬踰年復以是命之說亦不辭又逾年遂進知樞密院事淳熙元年秋罷為太尉尋降觀察使居撫州三年冬許自便七年秋卒上念之詔復承宣使陳給事峴封還錄黃乃止說子荐文州刺史說敗亦敗柳州疑明州觀察使

外戚典樞密

祖宗盛時率用外戚典兵馬而無使樞密者惟慶曆中

王鄧公貽永以至塔為之然議者不以為忝元祐中韓文定在樞密其弟端節既遜尚為臺諫所攻旋亦罷去紹興初樞密都承旨闕執政請以保靜軍承宣使邢煥為之煥懿節后父也上曰朕不欲戚里為朝廷官乃不許上受禪韓平原侂冑自知閭門事除都承旨亦固辭曰自請奉祠云紹興中孟仁仲使樞密蓋以典山陵故事已即罷

樞密院屬官

樞密院屬官舊有都副承旨以武臣為之編修官二員以文臣為之熙寧中始以文臣為都承旨元祐後又詔恩數如權侍郎紹聖初廢高宗在會稽武臣辛道宗

為都承旨頗用事紹興初道宗既免乃詔用兩制為之元年十二月丙寅然但間除一二人而已淳熙中王抃用事父孝宗惡焉遂復用士人今上初立薛象先以戶部侍郎兼都承旨何自然以為非祖宗成憲斥去之建炎

中又用元豐故事置檢詳一員祿賜與都司外郎等三年六月時御營司既廢密院置幹辦官四員既而以其名不雅馴改為計議官在編修官之上建炎四年十一月乙卯紹興十一月始省庚寅

三省樞密院賞功司

建炎初李伯紀為政始于三省樞密院置賞功司呂元

直初相遂省之及范覺民以宰相兼樞密乃于密院置
機速房紹興二十九年又罷卒已用兵復置速乾道八
年始罷凡錢糧事歸三省邊防兵政歸密院焉

拾遺補闕

遺補唐官也太宗以正言司諫易之淳熙十五年正
月兵部侍郎林栗言國家累年以來宰執百僚職無虛
位御史三院亦不乏人獨諫諍之官尚有闕員居其位
者往往分行御史職銜至于箴規闕失寂無聞焉願依
唐制置拾遺補闕左右各一員皆三年為任仍面加訓
諭官以遺補為名不任糾彈之職孝宗從之以許深

失薛象先充其職班著在監察御史之上請給人從依

監察御史例光宗立復省

直學士院

權直學士院

行官直院

自開寶二年盧丞相多遜始權直學士院自

開寶六年張舍人澹始翰林權直自乾道九年崔舍人

敷詩始學士院權直自淳熙五年崔舍人敷詩始國朝

故事率以從官兼直院若左右史少卿監之類則止稱

權直院焉近歲崔大雅以樞密院編修官趙大本以校

書郎陳內翰宗台以著作佐郎兼直蓋特命也紹興末

高宗視師建康何內翰溥屬疾不能從而直院虞弁

父使兩淮乃命唐立夫以起居郎兼行宮直院車駕還
復省

庶官兼侍講

故事經筵官自兩省臺端以上並兼侍講若大卿監以
下則兼崇政殿說書元祐中司馬公休以著作佐郎兼
侍講時朝議以文正公之賢故特有此命乾道末張敬
夫以吏部員外郎入侍經幄用公休故事亦兼侍講焉
自改官制後庶官非二史而兼侍講者不數人范純甫
司馬公休張敬夫是也國朝經筵非進士出身者三
人吳傳正呂原明張敬夫

翰林講讀學士

翰林講讀學士真宗朝始置元豐官制去翰林字及
學士名元祐中復之以命蘇子瞻趙元考而已渡江後
獨范元長常一為之

史館專官 陸務觀本末

自真廟以來史館無專官神宗嘗欲付曾子固以
五朝史事乃命為史館修撰使專典領其後子固所草
俱不當神宗意書不克成孝宗時修五朝史列傳
久而未畢遂召李仁父洪景廬踵為之皆奉京祠不兼
他職者數年而史始畢蓋自開院至成書凡二十有八
年秉筆者百有餘人時景廬請通修九朝正史上許

之景盧復言制作之事已經先正名臣之手是非褒貶
皆有据依乞命後來史官無或輒將成書擅行更改然
書未就而景盧去國淳熙未修高宗寔錄但以他官
兼之至紹熙末年而功未及半陳君奔直學士院建請
以右文殿秘閣二修換并舊史館校勘三等為史官自
校勘供職稍遷秘閣修換又遷右文殿修換在院三五
年如有勞績就逐次對庶幾有專官之效無冷局之嫌
然亦不克行明年但增檢討官三員限一年畢其後又
七年而高錄始成時當修高宗正史孝宗光宗
寔錄朝論覺无專官始外召傅景仁陸務觀為在京官
觀免奉朝請令修史于是務觀還政久矣乃落致仕以
為同修國史兼寔錄同修換焉務觀山陰人時年七十
有八

提舉秘書省

提舉秘書省者官制以來无之政和中初置以命蔡攸
其後秦伯陽繼居是任紹興末高宗召信安孟王忠
厚後為醴泉觀使乃命提舉秘書省以寵之凡過局如
宰執例孟王薨亦省

提舉太史局

提舉太史局者舊率以近臣兼之熙豐間司馬公王和

甫繼居是任後不復置紹熙五年十月復置以命薛象
先明年何自然以非舊典為言遂罷去蓋務反趙子直
之政而不詳考也太史局日官舊止于五官正 孝宗
時始增春夏秋冬中五官大夫

六院官

六院官檢鼓糧審官告奏進也例以京官知縣有政績
者為之亦有自郡守除者則繼即除即如鹿伯可是也
故恩數畧視職事官而不入雜壓紹興十一年胡汝明
以科院除監察御史遂遷副端乾道後相繼入臺者有
宋啟書蕭之敏陳升卿傅淇等數人而六院彌重號為

察官之儲矣淳熙初龔實之秉政其內弟林宓幹辦審
計司遇郊恩而林尚京秩乃白上以六院官班寺監丞
之上林用是得封贈父母龔後為謝廓然所訐南竄此
其一事也紹興二年夏六月院官始渡入雜壓在九寺
簿之下焉五月庚戌降旨

環衛官

環衛官者唐有之領宿衛兵若今之三衛衛祖宗時其
官不廢然无職事但以處藩帥代還及宗室除拜而已
元豐官制改外臣皆不除惟宗室則如故隆興中 孝
宗始命學士洪景廬等討論故事因復置以授武臣其

元作衛

法正任除上將軍

承宣使至刺

遙郡除大將軍

以皆官領刺史

至承宣使

正使除將軍

武翼大夫以上

副使除中郎將

武翼郎以上

使臣以下左右郎將

訓武郎以下

皆有添給及從人而无職

事若除管軍則解或領閤門皇城司之類則仍帶焉惟

戚里子弟不除是時李太尉顯忠首除左金吾衛上將

軍上諭湯慶公曰此正如文臣館閣耳平時在環衛

中庶見得人才近歲郭太尉果自右驍衛郎將受知

孝宗以本官

職事不二三年遂至邊帥矣迄

今環衛官皆為戎帥之儲云

內侍兩省

入內內侍省內侍省者皆宦官職也舊號前後省紹興

三十九年九月以前省无職事遂廢之今入內內侍省

舊後省也吏額三十五人分五房所掌內殿引對群臣

發金字號收接邊奏賜臣僚到闕茶藥新除執政官御

史中丞支賜宗室節度使以上生日宰臣以下夏臘藥

春幡勝新火喜雪御筵每月奉香表泚殯宮忌辰酌獻

看經設獄太廟荐新并奏告差官闈令大禮執事并奏

主進袞冕祈禱降御封香車駕行幸差官應奉人使在

道及到朝燕賜宣名學士及試官御試一行事務聖節

賜宰臣以下齋筵皇太子乳香執政官酒菓辨驗迎

奉到御容賜蕃夷宴大朝會差應奉等官皆其職也其
官有都知副都知押班等名渡江後又掌藏金國誓書
及八寶內東門司內侍省屬也掌機密門戶合同虎由
司掌御前及宮禁取索金帛御藥院掌應奉禮儀衣服
湯藥舊制內待遇誕節許進子年十二試以墨義即中
程者候三年引見供職紹興三十二年冬張真甫為殿
中侍御史以宦者負衆為上言之孝宗曰朕有此意
久矣祖宗時止許人進一子朕意欲依祖宗法真甫奏
事畢上曰此曹人多則黨盛今人數已不少若平時
无事猶可設使當母后少主之時豈不能為禍漢唐之
事是也遂命內侍省開具見在人數奏聞元年會慶節
權免進子于是定以二百人為額焉

閣門

閣門左列清選也舊有知閣門事同知閣門事多以外
戚勳貴為之其下有閣門宣贊舍人掌唱贊書命閣門
祇候掌侍衛班列乾道間孝宗始倣儒臣館閣之制
增置閣門舍人以待武卒之人官者先召試而後命又
許轉對如職事官供職滿二年與邊郡遂為戎帥部刺
史之選云迨歲熊提刑飛譙知閣熙載姜節使特立之
進皆自此階故武臣以舍人為清要紹興初蔣介有召

試之命為葛楚輔丞相言介武學第一人乞免試

上從之二月九日

此卷字畫尤為力不覺煩暑生襟隨本此年丑月二日

建炎以來朝野雜記甲集卷第十終

建炎以來朝野雜記甲集卷第十終

建炎以來朝野雜記甲集卷第十一

官制二

宣撫使

宣撫使祖宗時不常置有軍旅大事則命執政大臣

為之累朝但除何文簡范文正富文忠文忠烈韓獻肅

五人仁宗征儂智高以狄青為宣撫使武臣為宣撫

自此始熙寧末神宗命郭逵討交趾逵前執政然但

以招討使為名惜之也建炎三年張魏公以知樞密院

事為宣撫處置使其後杜丞相周仲弼孟富文趙元鎮

虞并甫王公明鄭仲一沈德之輩皆自二府出而為之

虞公始以元樞除資政殿大學士矣上恐未足為重後
二日乃復帶知樞密院事焉若前宰相為宣撫使則自
渡江以後亦止除李伯紀呂元直朱藏一三人紹興元
年劉光世以使相宣撫淮南武臣非執政而為宣撫使
自此始二年李泰發以端明殿學士為壽春等州宣撫
使文臣非執政而為宣撫使自此始然自紹興至嘉泰
武臣止劉光世韓世忠張俊吳玠岳飛吳玠六人從官
止李泰發王伯名二人蓋重之也紹興末詔以楊存中
為江淮宣撫使劉恭父不書錄黃遂寢其命時又詔虞
并甫以兵部尚書為湖北京西宣撫副使會存中命格

于是復改川陝宣諭使而存中措置兩淮焉

宣撫處置使

宣撫處置使舊無有張魏公始為之其行移于六曹寺

監帥司皆用劄子而六曹于宣司用申狀紹興四年趙

忠簡使川陝六年韓忠武使京東淮東皆帶處置字入

銜然忠簡後不行而韓在山陽持隆其名而已非魏公

處置之比也故事大臣為宣撫使者于三省樞密院皆

用申狀若建都督府則止用関而已隆興初魏公以少

傅為江淮宣撫使頃之拜樞密使都督江淮軍馬及符

離師潰內外紛然公上表待罪上曰罷樞密使宰相

陳魯公曰如此則是罷政乃降特進復為宣撫使陳正
獻公時叅贊軍事言于孝宗曰降官示罰自古所有
今雖張浚自請然人情觀望徒使號令不行請復正其
名上不從周元特時為御史亦言官爵者人臣一已
之私其人有罪隨即貶降則可也若都督之名則國家
用人之權柄豈得亦行遞減上納其言遂復督府之
名矣元前兩府及從官為宣撫使于六部用申狀總領
所用公牒監帥司及所部郡縣得用劄子云魏公為江
淮宣撫使
申明行移除三省樞密院外並
用劄子蓋以少傳劄六部也
宣撫副使

宣撫副使舊無有建炎三年周仲弼宣撫兩浙以郭太
尉仲荀副之武臣為宣副自此始其後福建韓世忠川
陝吳玠皆有此授紹興二年張忠獻既被讒將召歸先
為置副命王伯台盧立之為之文臣為宣副自此始其
後邵澤民踵為之然但帶權字紹興中胡承公鄭亨仲
在川陝岳鵬舉在荆襄楊存中在淮北皆不置宣撫使
而數人者第以副使為名蓋斬之也久之鵬舉落副字
其餘則否

宣撫判官

宣撫判官者熙寧初韓康公使陝李邦直以知制誥為

判官寔上幙也。紹興中，劉彥冲嘗受張魏公便宜之命，為宣判。其後張宗元、呂祉亦為之。十年，楊和王以太尉為淮北宣撫副使，劉信叔以節度使為判官。二帥禮抗權均，猶轉運副使判官之比，非復熙寧之制矣。

宣撫使官屬

宣撫使官屬者，張魏公出使，張通夫、深以端明殿學士程純老、唐以寶文閣學士王子高、庶以龍圖閣待制並為謀議官。劉彥冲子羽以徽猷閣待制為參贊軍事。趙應祥開以祕閣修撰為隨軍轉運使，傅彥濟、馮元通、康國以尚書郎幹辦公事，皆非常制也。紹興四年始著

令，參謀視提點刑獄，參議視轉運判官，機幹在諸州通判之上。至今不改。

招討使

招討使古官也。熙寧間始命郭宣徽一人，建炎四年李成圍江州，詔以張循王為江西招討使，任宣撫使。下制置使之上，著為令。紹興五年，以岳鵬舉為湖北襄陽招討使。鵬請州縣官不法害民者許移罷從之。十年，兀朮犯三京，以韓張岳三帥兼河南北招討使。三十一年，海陵南牧，以吳璘、劉錡、成閔、吳拱、李顯忠兼陝西河東北京東西招討使，蓋遙領其地，非張岳之比也。隆興元年

以顯忠為淮南京畿京東河北招討使邵宏淵副之未
領職即罷

招撫使招撫處置使

招撫使古無有淳化末李順据成都趙景蕭昌言以參
知政事為川陝招撫使後不復置建炎初李伯紀奏以
張龍圖所為河北招撫使所益都人嘗為監察御史喜
言兵汪廷俊等惡之未及出師而廢紹興十年虜復取
河南地制以劉雍公光世為三京招撫處置使以援劉
錡會兀朮兵敗乃駐軍太平州踰年復罷三十一年
孝宗即位以成閔張子蓋李顯忠三大將為河北京西

淮東西招撫使子蓋死劉寶代之逮和議成乃罷

制置大使

制置大使古無有紹興三年趙忠簡始為江西制置大
使其後席天光帥潭益李伯紀帥江西呂元直帥河南
皆領之大光在成都得旨位宣撫副使上兀監司不法
許舉按八年李大發為江西帥以前執政亦帶安撫制
置大使是歲大光以夏去胡承公自給事中代之始去
大字至今不改

制置使

制置使自熙豐後多以武臣為之建炎元年郭太尉仲

苟制置東南盜賊請監帥司並聽節制許之其後王襄
愍淵劉武僖劉光世韓忠武世忠張忠烈俊岳武穆飛
吳武安玠閔毅勇師古劉忠武錡皆為制置使掌兵事
建炎末議者令帥臣悉帶制置使張達明為江州帥以
便宜竭取屬郡之財上聞之詔除用兵聽依便宜餘
悉禁止其他刑獄財賦事則歸之監司焉三年八月閏
十一月辛亥
詔四年遂罷制置使之名惟統兵官如故自休兵後獨
成都守臣帶四川安撫制置使掌節制御前軍馬官員
陞改放散類省試季人銓量郡守舉劾辟邊州守貳其權
略視宣撫使惟財計茶馬不與又有沿海制置使以明

州守臣領之然其職止肅清海道節制水軍非四川之
比也

宣諭制置使

宣諭制置使舊無有紹興元年上以江湖寇盜多貢
賦不繼乃命孟富文以戶部尚書充江東西河南宣諭
制置使理財賦治盜賊富文未行而秉政遂以為福
建宣撫使焉

宣諭使

宣諭使舊有之以宣諭德意為職而已不與軍事渡江
後所遣尤數紹興二年冬分遣御史五人宣諭東南諸

路觀風問俗平反獄訟宣布德意踰年乃還六年又遣
范右司直方宣諭川陝九年又遣方察院廷寔宣諭三
京皆使者職也時李察院案被告宣諭江西乃專督捕
盜遂罷為廣西提刑是年新復陝西詔棲仲輝以簽書
樞密院事洙永興軍諭鄭亨仲以秘書少監為叅謀予
衛卒千人因制置移屯等事宣諭之權自此重矣十一
年鄭亨仲宣諭川陝始建使名得與邊事三十一年江
中丞澈宣諭京西河北得旨撫勞將士體訪事宜三十
二年虞雍公宣諭川陝乃專招軍買馬其年王瞻叔代
之亦叅軍政蓋自亨仲始使後其權任在宣撫之亞焉

撫諭使

撫諭使建炎元年以路公弼耿伯順為京城撫諭使副
始建使名四年以中書舍人李正民為浙江河南撫諭
使且令按察官吏能否伸理民間屈抑紹興元年以吏
部侍郎傅崧卿為淮東撫諭使採訪民間利病及措置
營田等事後不復置建炎初又命御史馬伸等八人撫
諭東南兩河川陝三年命吏部郎中方聞撫諭淮東紹
興二年命吏部郎中周隨亨駕部員外郎李愿二人撫
諭川陝皆不帶使字其餘如建炎末周文若太傅勞使
李成賜以罷幣紹興初胡承公察院督捕閩盜亦皆以

撫諭使司為名云

鎮撫使

鎮撫使舊無有建炎四年上自海道還會稽時江湖荆浙皆為金人所蹂而群盜連衡以據州郡大者至十餘萬朝廷不能制范覺民為叅知政事謂此皆烏合之衆急之則併死以拒官軍莫若析地以處之盜有所歸則可以漸制乃言于上請稍復藩鎮之制少與之地而專付以權擇人久任以屏王室群臣多以為不可覺民曰今諸郡為盜據者已十數曷若朝廷為之使恩有所歸上亦決意行之其五月覺民為右僕射是月甲

子覺民請以淮南京東西湖南北諸路並分為鎮除茶鹽之利仍歸朝廷置官提舉外他監司並罷上供財賦權免三年餘聽帥臣移用更不從朝廷應付遇軍興聽從便宜仍許世襲上曰便令世襲恐太重當俟其別立大功然后許之時劇盜李成在舒蘄桑仲在襄鄧郭仲威在維揚薛慶在高郵皆即以為鎮撫使其後河南翟興山陽趙立歷陽劉荏東海李彥先與薛慶皆戰死而淮寧馮長寧以地降劉豫紹興初諸鎮或亡或死遂不復除久之但餘荆南解潛而已五年趙元鎮相召潛主管馬軍遂罷鎮撫使蓋鎮撫使之有殺者文臣惟陳

規武臣惟岳飛王彥解潛李橫耳

發運使

發運使 祖宗盛時有之置司真州歲漕江湖粟六百萬斛以贍中都渡江後江湖寇盜多發運司第職糶買而已紹興二年正月遂罷發運司以其錢帛赴行在八年起居舍人勾龍如淵建言戶部非生財之地請置諸路水陸度支轉運等使置司糶杭戶部侍郎李玘遜曰請復置發運司別給糶本錢數百萬緡廣行儲積分毫不得取供近用以待恢復之須徽猷閣待制程邁為江淮荆浙閩廣經制發運使專掌糶事邁入辭上疏言唐

劉晏為九使財賦悉歸于一國家始分為二而三司使居中發運使居外相為表裏今租庸分子轉運司常平分子提舉司監鐵分子茶鹽司以至鼓鑄則有坑冶司平準則有市易司總之于戶部而發運使徒有其名固辭不行上不許已而右諫議大夫李誼請令檢察營田市易等事俾摠六路而制其盈虛亦不行第令和糶而已其冬李泰發秉政以為虛糜廩祿請罷發運而復常平九年正月遂廢發運司以戶部侍郎梁汝嘉為經制使乾道六年虞丞相當國三月奏復發運司以戶部侍郎史正志為江浙京湖淮廣福建等路都大發運使

朝論不以為宜。汪聖錫黃通老二尚書言之猶力。執政皆不之聽。然正志寔無能為。但峻督諸司州郡多取羨財而已。其年十二月正志以奏課誕謾貶。乃復廢發運使焉。

經制使

經制使者宣和間陳亨伯資政始以大漕蕪之亨伯創比較酒務及以公家出納錢糧取其盈以佐用度。其後翁端朝中丞繼為之。紹興初與發運俱罷。九年正月復置以戶部侍郎梁汝嘉為使。司農少卿霍蟲為判官。以檢察內外失陷錢物舉催未到綱運措置糴買總領常

平為職。未幾曾諫議統言其無益而多費。遂省之。十三年八月上諭大臣曰。今漕司各掌一路。有無不能相通。可做發運。置都轉運使一員。通掌諸路糴糶。遂從官中曉財穀者為之。上雖有是言。然亦不克久也。紹興中又有提制司以執政官領其事。先是經制司既廢。諸路貢賦或不時至。五年閏二月孟富文以叅知政事提領措置財用。富文請以提制司為名。許之。其職畧視經制司。七月富文罷。詔沈忠敏與求權領。六年三月忠敏罷。政詔提制司官候除執政日取旨。既而不除。後二年乃復置經制發運使。凡二司。金穀本末語在財賦事中。

建炎初又以馬忠為河北經制使王燮傅亮為河東經制副使名雖同然寔掌兵事云

都轉運使

都轉運使渡江後惟四川有之明受元年三月始以黃右司際為四川水陸制置發運使置司遂寧府未行而反政遂除兵部侍郎明年張魏公出使川陝遂以趙應祥為隨軍轉使專一總領財賦應祥言總領財賦于四路漕計或不相關當正其名使知有所統屬張公是之紹興六年冬遂除應祥都轉運使後又置副使或判官十五年省都轉運使以其事歸宣撫司用鄭亨仲請也

元不漕司未改計

其年十月汪侍御激言制軍給食通而為一雖察院戶部不得而專于是復置總領矣紹興二年十月嘗置江司湖州未幾即廢之總領諸路財賦

總領財賦古無其名靖康末高宗以大元帥駐軍濟州命隨軍轉運使梁楊祖總領措置財用然未以名官也建炎末張魏公同趙應祥總領四川財賦始置所係衙總領之官自此始其后大軍在江上間遣版曹或太府司農卿少調其錢糧皆暫以總領為名而四川改置都轉運司故總領又廢紹興十一年諸將既罷兵乃置

三提領以朝臣為之皆帶專一報發御前軍馬文字蓋
又使之與聞軍政不獨職餉饋而已凡鎮江諸軍錢糧
隸淮東統領治鎮江建康池州諸軍錢糧隸淮西提領
治建康鄂州荆南江州諸軍錢糧隸湖廣提領治鄂州
其序在在轉運副使之上十五年復置四川提領治利
州天下凡四統領矣乾道七年併淮東提領所入淮西
亦有發運使故也未幾復舊然東南三提領皆仰朝廷
科撥獨四川提領專制利源即有軍興朝廷亦不問故
趙應祥催鹽酒而王瞻叔括田契以佐軍需云
館職為提領

諸路提領故事皆帶在內金穀官若太府司農卿少丞
戶部列曹郎中員外郎之類淳熙中趙溫叔用宇文郎
中子震為淮東提領時宇文尚為館職以未歷郡不可
除郎乃命以著作郎兼權金部郎官為之以館職領錢
糧事非舊典也當時皆不以為然

提點鑄錢

提點坑冶鑄錢公事自咸平初有之渡江後屢罷屢復
語在財賦事中乾道六年併其事于發運司發運司罷
遂復之淳熙五年又加都大二字于提字之上以倣川
秦茶馬後又置提點江淮鈔冶鑄錢公事以淮西漕臣

兼之

武臣提刑

武臣提刑。祖宗以來有之。復罷去。建炎元年以盜賊未衰。復之。然但管提殺而已。四年又罷之。乾道六年五月。復置諸路各一員。皆選公廉曉習法令民事之人。如無聽闕。大臣乞依故事。加同字。不從。于是武憲橫于四方。至有六曹尚書典藩而被按者。淳熙末。上知其不便。遂不復除。今已除朝臣一員而已。

提舉常平茶鹽

提舉常平官。自熙寧初置。元祐紹聖間罷。復不常。建炎

元年五月復罷。二年八月復諸道常平官。還其糴本自青苗錢不散。外常平免役之政。皆掌之。九年置經制司。改常平官為經制某路幹辦常平等公事。未幾經制司罷。復為常平官。久之復置提舉東南以茶鹽司兼領四川。以提刑司兼領。仍別置官吏。及歲舉陞改員。然常平錢皆取以贍軍。今特掌義倉及水利役法賑濟等事而已。無復平糴之政矣。

安撫使

安撫使。舊號帥臣。祖宗時惟陝西河東北三路及益廣桂有之。建炎初李伯紀建言。諸道皆帶安撫使。而廣

東西仍舊制加經畧二字其制今存然兵事皆屬都統
民政皆屬諸司安撫使特虛名而已又有管內安撫者
自軍興以來有之蓋諸將在邊假使名以為重事定亦
廢今金均黎楚等數州以極邊得存又有廣西安撫都
監邕州守臣兼帶管安撫都監瓊州守臣兼帶外此則
俱不帶云

馬步軍都總管

馬步軍都總管 祖宗時大帥職也四名都部署避
英宗諱改之三路帥臣得兼事權甚重以武臣為之副
今江浙淮廣荆湖利路帥臣皆帶都總管但存虛名而

其副特以處貴游外戚及離軍之人無可釐之務蓋以
厚祿優之非復祖宗之制矣

兵馬都鈐轄

兵馬都鈐轄 祖宗時不常置成都大府也帥臣第帶
兵馬鈐轄而兩武臣之為鈐轄者與鈞禮熙寧戎夷之
變蔡仲遠自渭入蜀始以都鈐轄為名蔡下令兩鈐轄
循皆 神宗不樂遂罷歸于是馮當世以前執政來為
安撫使而都鈐轄之名不尋矣建炎末宣撫使始命盧
立之復帶都字自後益瀘葭廣桂五州牧皆以都鈐轄
為稱而江西贛州以多盜其守臣亦帶江西兵馬鈐轄

至于武臣為都路鈐轄者亦無尺籍伍符然每歲猶往諸州按閱特存故事而已間有得旨葺治軍器或訓練禁軍者則仍帶入銜云

諸軍都統制

諸軍都統制古無其官宣和間西南用兵大將或三四人不相統一故即其中拔一人為都統制以摠之兵罷則如故建炎元年五月既置御營司遂擢王襄愍淵為都統制都統制官名自此始其後神武五軍及川陝宣撫司都督府樞密院皆有之紹興初諸大將官既尊悉號宣撫使其將佐則謂之統制官去都字十一年三大

將兵罷乃擢其偏裨為御前諸軍都統制自太尉至諸司使副皆得為之惟官至使相則帶領都統制職事十八年川陝三大將亦如之今興元江陵建康鎮江府與金鄂江池州及平江許浦水軍官皆除都統制恩數畧視三衙推任在帥臣之右焉官卑者止亦稱副都統制

副都統制

副都統制紹興七年始置後省乾道三年五月荆南都統制王宣久病上恐其不起且方邊報不一乃除琦為副使同管軍欵疾愈改授已而諭輔臣曰朕欵今後江上諸軍各制副都統一員令兼領軍

儲他日統帥亦使主將顧忌不敢擅專妄作大臣皆曰善上曰欲令諸軍中自推遷葉子昂丞相言不可上語曰極善帝自朝廷除人不然即似唐藩鎮大臣言都副統制札數宜有隆殺且為條約將上上曰如此庶幾他日不致爭權越禮誤國家事遂行之然興州自吳玠亡後未嘗除人蓋重之也其他軍數少者都副統帥亦不並除云

統制統領官

統制統領官三衛及御前軍將佐也祖宗時發兵但以路分州都監等領之神宗用兵始置百三十將是

在鈐轄路分之外矣渡江後大軍又有統制同統制副統制統領同統領副統領等其後乃有正將副將準備將之名皆偏裨也舊制準備將而上自主帥陞差仍先申密院審察乾道七年建康都統制王宏罷乃陞差將佐數百人代者王友直言于朝二月庚申有詔訓練官部隊將而下軍中一面差仍申朝廷照會紹熙四年正月乙酉詔江上諸軍陞差統制至準備將者令主帥解發三人赴總領所選擇一名事既行諸將皆不以為便慶元三年二月戊午詔今陞差並委主帥選擇令總領或屯軍處守臣審覈保明申密院紹熙旨揮勿行自是

主帥之權復重矣。

建炎以來朝野雜記甲集卷第十一終

乾隆丁亥正月六日立春雨憲後勅

建炎以來朝野雜記甲集卷第十二

官制三

皇子除官例

祖宗故事皇子初除防禦使

太祖第二子及英宗初為皇子時並除防禦使

太宗以後或封王或封國公

漢恭憲王初封衛王之類

其間亦有封郡王郡公者

昭成太子初封廣平郡王吳榮王初封樂安郡公之類

神宗諸子初除皆節度使封國公稍遷郡王加平章事

平章事今開至出閣封王則始兼兩鎮加司空後皆因

之司空今紹興末在文太子自蘄州防禦使躡拜少保

封鄧王淳熙末今上自安豐軍節度使亦拜少保封

復國公吳棣涇國公

嘉王蓋重長嫡也視祖宗時恩數為優云

親王贈官例

舊制皇子皆贈三師二令元豐改官制以侍中中書尚書令為三省長官不為贈典乾道中正丞相官名削侍中兩令之位故魏惠憲王雖孝宗愛子生止為使相薨止贈兩州牧蓋上意以子弟居師傅官不順而三省長官已廢故但以州牧優之慶元中嗣秀王以山陵扈護之勞當遷而官已至太師乃拜兼中書令王辭不拜已而上有殤子亦贈太師中書令追封亮王不知今官制已無二令之名此宰司失于詳考也

宗室兩鎮節度使

故事同姓秉旄者非親弟愛子無得兼兩鎮熙寧初進相孝定王允弼定崇易王允良以屬近行尊乃得之慶元初嗣秀王伯圭既辭中書令詔有司別議優崇之禮始命兼兩鎮焉國朝二百五十年宗室秉雙旄者僅三人耳

知大宗正事

仁宗始制用太祖太宗之後屬近行尊者各一人于是首命濮安懿王為之自是率以近屬官至相王者領焉渡江後頗用南班往多不得人

進吳校作惟

得之吳校兼之

相王校乙

無以表率更事刻削宗室皆患之淳熙初宗正官闕趙
溫叔言崇宣簡公不惠之賢自江西轉運判官召為右
監門衛大將軍忠州防禦使知大宗正事非常制也不
真字仁仲曾祖懷榮穆王宗暉蓋濮王第六子祖仲損
沂王父士圃以南班扈駕北遷乾道中還拜集慶軍節
度使仁仲中進士第所至有聲積官昭慶軍承宣使在
宗司數言天下事上甚重之其諸孫多進士高第者

宗室奉使

自熙豐以來宗室雖為外官未嘗有出使者乾道七年
春趙溫叔為賀全國生辰使孝宗特命武翼郎兩浙

西路兵馬鈐轄伯驩副之時方議受書禮故特選之為

介也近歲善義不艱皆以尚書即使北蓋用伯驩之例

云淳熙十一年親賢宅多才為正旦副
使南班近屬出疆者止此一人耳

宗室知舉及任學官

紹興末孝宗有詔宗室不許注學官七月乾道中師

烜者廷試中甲科自言于上以是許注甲科八月乙亥

淳熙中既詔宗室省試十人取一吏部尚書周洪道乃

請許充學官及考試役之六年十一月紹熙中遂命趙子

直知貢舉而外郡至今不差試官蓋有司循習之故也

三公自三公備官

三公自三祖宗以來罕嘗備官獨宣和末三公至十八人三少不論也太師三人蔡京童貫鄭紳太傅四人王黼燕王俛越王惲鄆王楷太保十一人蔡攸肅王樞至儀王樛渡江後以用兵故紹興十二年秦中王為太師張循王韓蘄王為太傅劉安城王為太保其後乾道初楊和王吳信王並為太傅紹熙初史會稽王為太師嗣秀王為太保蓋自紹興後三公未嘗備官焉

太師並除

故事太師未嘗並除紹聖初始有文潞公彥博吳榮王顯宣和中蔡魯公京童貫鄭平樂王紳靖康初燕王俛

越王惲紹興中秦中王楷張魯王俊紹熙末史會稽王

浩嗣秀王伯圭

文臣節度使

節度使祖宗時非近屬及有大功者不除宣和末節

度使至六十人議者以為濫親王皇子二十六人宗室

四人外戚十人靖康初因中丞陳賓王言九人換授梁

師成朱勗梁方平以罪死而宗室以覃恩建節者十有

四人將帥得拜者二人凡六十有二人以月奉及歲賜

計之是一年費緡錢七十萬也渡江後節度使率不過

十許人自建炎至嘉泰宰相特拜者六人

呂忠穆張忠獻虞忠肅皆

以勳史會稽王以舊執政一人葉右丞從官二人而已
趙衛公晉文定以恩執政
張端明登
楊學使敷
外戚節度使

國初外戚罕有建節者太祖時杜審言進以元舅之

尊窮老才得節度使仁宗用張堯佐一時名臣力爭

之其後除拜浸多中興後外戚節度使二十有二人孟

后姪忠厚 鄭后姪孫藻 常后弟淵姪謙謙 邢后

父煥弟孝揚 吳后弟益蓋姪瑀瓌瑋 郭后弟師禹

夏后弟執中 謝后弟淵 李后姪孝友孝純 韓

后曾季祖侂曹父同卿從祖遯 徽宗王貴妃父舜民

高宗劉貴妃父懋

恩舊節度使

哲廟以前節度使未有以恩澤除者若王顯張旻輩雖

以舊恩貴然皆以嘗任密府乃得之崇寧後始除郭天

信朱勗二人紹興中曹勛韓公裔乾道中魯覲嘉泰中

姜特立譙令雍皆以攀附恩系官節度使

官官節度使

真廟以來宦者官雖尊止于遥郡承宣使而已宣政間

始除童貫楊戩梁師成譚稹李穀梁方平等十許人靖

康初政皆貶奪之渡江以來間有為正任承宣使者慶

元中王德謙已除節度使大臣交奏乃不行德謙亦坐斥語在時事中

兩鎮三鎮節度使

國朝元臣拜兩鎮節度使者才三人熙寧初韓魏公元

豐中文潞公紹興中呂誠公是也然三公卒辭之渡江

以來諸大將若韓張吳岳楊劉之流率至兩鎮節度使

其後加至三鎮者三人韓蘄王鎮南武安寧國張循王

靜江寧武靖海劉安城王護國寧武保靜舊制惟婦人

封得兼兩國若大長公主及上乳母皇太后姊妹皇

后母之類是也政和中蔡京以明堂成封陳魯國公辭

不拜其後童貫遂封徐豫國公紹興中秦檜以進書恩

亦封秦魏國公大臣兼封止此三人而已時京檜卒辭

于是三代及小君皆加兩國之贈乾道末上既立太

子欲加恩魏邸始封韋夫人為韓魏國夫人親王夫人

兼封亦前此所未有自後恩平王夫人吳興俞夫

及國母卜夫人並用此例兩國公主

故事郡主未有兼封者崇寧中上謁濮安懿王祠時

王女惟曹氏婦安康郡主在乃特封安定普寧郡主賜

甲第居之其後未有此比

郡公不著開國字

國朝封爵之制階至奉直大夫職至權侍郎已上遇郊封縣開國男若從官經恩則累加至某郡開國公若將相虛邑寔封通滿萬戶則封國公而無封郡公者惟宗室追封則有之元宗室贈節度使則追封國公贈承宣使則追封郡公贈觀察防禦使則追封侯近歲費戒父以避祖名始詔繫銜權不著開國字亦前此所未有

執政為閣學士

故事曾任宰相不為資政殿學士蓋降職至大資政止曾任執政不為閣學士蓋降職至淳熙中魏丞相祀初以端明殿學士起廢而林樞密安宅亦以龍圖閣學士奉祠前是

舊相未有為端明若閣學士以前執政為之則自張天覺路公弼後惟秦會之餘黨李文會丞伋等八九人其執政僅三月餘故用此例

廢官除次對

廢官補外未嘗有除次對者紹興初太常少卿蘇遲密院檢詳歐陽懋請外時方錄用黨人子弟大臣以蘇文定公之子而歐陽文忠公之孫也皆特除待制與郡論者以為言乃改集英殿修撰焉其後少常久次者始得除直龍圖閣檢詳以下罕得職名者云

外官除次對

祖宗時自三司使御史中丞翰林學士知制誥之外未
有侍從職事官故邊帥積勞者率以直龍圖閣除天章
閣待制元豐官制後惟寔歷權侍郎以上乃得之淳熙
中吳茶馬提程舍人叔達皆自外除待制蓋殊命也趙
子直當國言者以為今賢士大夫徃不樂為外官蓋
外權太輕雖欲有所施設而不得騁故也今日之勢莫
若稍重外重外之術必使帥漕總領可以馴致于從官
而後可久任可久任而後可以責事功詔可紹熙五年十一月戊
申未幾子直去位亦不克行慶元初楊廷秀始自外祠
躡除華文閣待制

寄祿官分左右

寄祿官分左右字元祐政也紹興初復舉行之淳熙初
宗室善俊者建言以為本范純仁偏見孝宗納其說
入去焉今任子雜沓惟細轉通直郎奉直中散大夫如
故若帶貼職則超資焉故小京官鎖廳登第者號為平
遷兩任徑轉三官蓋有出身人不為監當故也

中散大夫七樣錦

中散大夫舊謂之十樣錦今不然矣舊奏子職官今初

品官耳初奏通任即出官與將仕郎舊身後許上遺表

推一子恩今減一年磨勘耳奏薦雖不隔郊然滿四名

元經字吳汝雅

奏子吳校身子

服排耳目吳校服排年月

四名吳校兩名

有止法其實與正郎無異他所有但虛文謂之七樣錦可也

大減年對實歷磨勘
舊制以恩例減磨勘年者率以四年為一官故有初改
官人部數細而徑轉朝奉郎者朝廷患之隆興二年春
始著對使定歷之令及乾道三年郊祀左選奏補三百
人右選千七百餘人六年郊祀左選奏補二百餘人而
右選如故蓋以文臣對使實歷故也淳熙中議者請祠
官無定歷者雖遷至員郎以上毋得任子事下祕書省
國史院時鄭少嘉尚書修國史建請京朝官以上須定

歷一任者乃許任子孫八年正從之

選人改官額

選人改官舊無定數紹興後多不過九十人少或至五

十人紹興二十年八十八人二十五年六十八人捕盜及

職事官皆不在數三十二年遂至一百十三人孝宗

患之隆興元年四月詔以百員為額乾道三年七月又

通四川為百二十員七年十月有司請不限員奏可時

虞丞相當國也淳熙初上以官冗稍嚴陞改之令于

是六年引見改官不及七十員而捕盜在焉周洪道為

吏部尚書七年二月因請以七十員為額是年四月又

增八十員職事官并引見改官六十五人四川換給一十五人特旨改官不與十三年三月又詔職事官改官在八十員歲額之外自是歲改京官者僅百員迄今遂為永制

奏舉京官

奏舉京官 祖宗時無定數有其人則舉之太平興國後諸州通判亦得舉行京官熙寧中取以為提舉常平官員數元祐中嘗暫復之至紹聖又罷淳熙六年九月上以歲舉京官數濫命給舍臺諫議之王仲行希呂時兼給事中乃請六曹寺監戶部右曹郎官同歲減舉員三之一

美點去行字

諸路監司減四之一禮部國子監長貳減三之二前執政歲減二員諸州無縣者歲止一員歲終不除運副而判官補發者不理為職司奏可慶元十年十一月復詔判官補發副使狀理為職司又詔職司狀不得用二紙用姚察院愈奏也在京選人舊無外路監司薦舉渡江後詔以六部長貳作職司乾道七年九月罷之惟館學官通理四考不用舉主改官蓋上累聖優賢之意

減舉吏員館學改官例

近制選人寔歷十二考者減舉官二員先是紹興二十九年七月敕令所制定官嘉興聞人滋請歲于改官員

二頁去校一頁

制定其校刪定

中差減員數以待寔歷十考舉主不及格之人廢抑貪
冒而養廉潔上命給舍議之洪景廬張安國言此法
一開則選人不出十餘年坐至京秩乃止隆興初始舉
行之舊舉主須員定乃以其牘上若將舉物故或罷免
則不計故有得薦牘十餘而不克磨勘者淳熙中始有
逐旋放散之令人皆便之隆興元年三月己酉詔選人
十二考無眩私罪者減舉主

改官須人

初改官人必作令謂之須入紹興中數申嚴之後亦或
廢孝宗即位持之甚嚴慶元初復詔除殿試上三名
南省元外並作邑五年四月又用程察院松言詔大理

評事已改官未歷縣人並令親民一次著為令舊捕盜
改官人並試邑是月陳正言自強請初任未終之人先
注僉判一任方許親民從之自後雖宰相子殿試甲科
人無有不宰邑者矣

廣南攝官

初祖宗朝以廣南地遠例入不足以資正官故使舉
人而與薦選者試刑法于漕司以其合格者攝兩路正
攝凡五十人月俸人十千米二斛滿二年則錫以真命
後又增五十人號曰待次崇觀後又增五十人號曰額
外其注擬皆自漕司建炎初敕歸吏部踰年無願就者

吏部請復歸漕司從之

宮觀使祠官供給

近制前宰相見任使相領京祠者並為宮觀使若在外則少保以上始得使名使相已下提舉宮觀而已淳熙初史會稽王以崇信軍節度使開府儀同三司提舉洞霄宮蓋用此制紹興初趙衛公以衮鉞充醴泉觀使家居非舊典也近歲葛文定以覃恩除使相亦止提舉洞霄宮舊祠官無供給政和中蔡京著令庶官降本資序二等待從以上不降趙忠簡為相始除之

功號

功號始唐德宗國朝因之至元豐乃罷中興後加賜者三人而已韓蘄王世忠揚武翊運功臣張魯王俊安民靜難功臣劉安城王光世和衆輔國功臣此外惟安南國王初除及經恩亦加功號

檢校官

檢校官者自唐以來有之凡內職崇班今修武郎武臣副率以上初除及誼恩皆帶若文臣則樞密宣徽節度使始帶焉自三公謂大尉司徒司空三師僕射尚書常侍至賓客祭酒凡十餘等元豐改官制武臣承宣使已下皆罷惟存檢校三公三師以待節度使之久次者政和後

改三公為三少若武臣累加至檢校少師則拜太尉文
臣累加至檢校少師則拜開府儀同三司安南國王初
襲封加檢校太尉經恩遷檢校太師外蕃刺史州則檢
校太子賓客此外皆不帶云

勳官

勳官者自戰國以來有之至唐始以為虛名國朝循唐
制文臣朝官武臣崇班以上遇恩輒加之由蠻騎尉至
上柱國凡十二轉政和中罷淳熙中朝議欲復之以旌
有功如貼職之比後亦不果行今惟安南閣婆占城三
國王始加封上柱國南丹州刺史加武騎尉焉

吳校作雲

天聖至嘉泰四選人數

祖宗時内外文武官通一萬三千餘員天聖中兩制兩
省不及三十員京朝官不及二千員三班使臣不及四
千員慶曆中兩制兩省至五十員京朝官二千七百餘
員流内銓選人僅萬計乾道中京朝官已三四千員選
人亦七八千員紹熙二年京朝官四千一百五十九員
合四選凡三萬三千一十六員慶元二年京朝官如紹
熙之數選人增至一萬三千六百八十員大使臣六千
五百二十五員小使臣一萬八千四十員通四選凡四
萬二千有奇蓋五年之間所增僅九千餘員可謂官冗

三十五吳校俱作十

矣嘉泰元年春左選京官以上三千一百三十三員選
人萬五千二百四員大使臣以上六千八百五十四員
校尉以上萬二千六百十六員通四選共三萬七千八
百餘員是五年之間所損僅四千餘員未知何故

入亦以堂後官

堂後官謂三省諸房都錄事也補職及一年改宣教郎
滿五年愿出職者與通判十年以上與郡建炎初李伯
紀為相建請堂吏出職止通判從之迄今不改

尚書省吏額二百四人

正額都事主事令史書令史守
當官七十四人守闕一百三十

吳校四房分房

人分房中書門下省吏額二百三十八人正額錄事已
十有閣一百五十八人中書六分
守下省四分分房十有二
門副承旨主事令史書令史共一尚書六曹吏額九百
人百二十七人守閣貼房二百人
二十人主事令史書令史守當官四等共四百九十五
人吏部七司三百五十九戶部五司二百八十八禮部
四司五十六兵部四司一百三十五刑部四司六十三
工部四司建炎初上幸淮甸三省吏至揚州者二百
一十九人而已詔皆遷一官其後滋益多三年乃命有
五十八人而已詔皆遷一官其後滋益多三年乃命有
司立額

州縣吏額

紹興末州縣吏額猥多二十六年八月湯中丞鵬舉請

省之以寬民力事下諸路常平司時浙東七州吏額四千人提舉官趙公稱首奏損其半他路率倣此然今州縣吏額雖減而私名徃之十倍于正數民甚苦之

酷熱就北軒桐軒不披校微風颯至令人忘暑康熙辛丑閏六月廿六日續公記

丙戌九月初二日錄下畢此卷是日錫奉自杭來聞八月廿六日嚴子淳夫之計為之吸運蘆溝博典堂寓舍記

乾隆丙申七月廿七日丙申後園編修書昌編借苑上恭本抄校並錄示記校勘年月緒公記已五十六年矣孔德爾識

建炎以來朝野雜記甲集卷第十二

建炎以來朝野雜記甲集卷第十三

取士 送舉學校鄉飲酒

制科

制科自紹聖初廢紹興元年春正月詔復賢良方正能直言極諫科有司講求舊制每科場年合中丞給舍諫大夫學士待制三人舉一人不拘已仕未仕命官仍以私罪先具詞業繳進策論共送兩省侍從參考分三等文理優長為上次優為中常平為下次優以上並召赴閣試歲九月命兩省學士官考試於祕閣御史監之試六論每首五百字以上于九經十七史七書國語荀揚管子中

此卷吳元本經別本抄補

子正文內出題差楷書祇應四通以上為合格仍分五等以試卷繳奏御前拆号入四等以上名赴殿試其日上臨軒親策限三千字以上宰相撰題差初覆考詳定官赴試人引見賜坐殿廊兩廂設垂簾帷幕青褥紫案差楷書祇應內侍賜坐茶果對策先列出處然後言事第三等為上恩數視廷試第一人第四等為中視廷試第三人皆賜制科出身第五等為下視廷試第四人賜進士出身不入等與簿尉差遣已上並謂白身者若有官人則進一官与陞擢舊制六論與正文及註疏內出題至是有司請除疏義弗用乾道二年夏六月孝宗以久無應

詔者乃詔權于經史諸子正文出題又以士人身在幽隱無由自達乃許監司守臣解送四年三月後數歲乃得李仲信焉

乾道制科恩數

李仲信本末

自復制科七十年但得李庠仲信一人而已初紹興七年冬呂安老舉選人胡邦衡而汪彥章舉布衣劉汝一邦衡遂除樞密院編修官乾道三年虞雍公撫蜀首薦仲信于朝不報五年春汪聖錫為吏部尚書復以應制詔上其詞業時庠父仁父為祕書少監也其冬禮部言李庠詞業乞送兩省侍從參考訖依紹興元年九月旨揮施行鄭重一三省勘會李庠詞業已經御覽陳應求虞并父

為左有旨特令來年三月依格召試命下左正言施元
右相有旨特令來年三月依格召試命下左正言施元
之德初方候對應為起居郎兼權中書舍人林機景度
言故事無獨試者當繳之景度即奏制舉所以待非常
之才渡江以來從臣亦常論薦其人若劉度祝鑑是也
然皆請而不報蓋事體至重不可輕也按胡邦衡亦與
詞業上即日除樞密院編今渡此舉必依祖宗典故勿
脩官景度蓋未知此也使論者可得而議其失則國家可以示公而厘之得此
名亦無忝矣謹考舊制具本人詞業繳進送兩省侍從
參考分為三等次優以上並赴閣試糊名考校無一人
獨試者今李庠詞業未經參考而入獨試一名恐非典

故今有錄黃未敢書行德初亦奏祖宗制科之設自有
典故今李庠詞業雖除付後省未有許令參考繳奏指
揮遽有名試中書之命即是未應前後典故兼國子監
看詳明言合送兩省侍從參考况將來閣試六經典故
亦須三四人以糊名考校無一名獨試者乞重此非常
之科且以厘詞業令有司公共參考來上俟相繼有一
二人然後俾之就試庶幾有得賢之實無幸進之譏詔
除汪應辰李燾有妨嫌外令兩省侍從官參考聞奏二
月丙午指揮既而上聞二人握手私語乃大怒之左相
仁父兼權左史陳應求奏元祐中有獨試故事機為人所使曰論二人

之姦後二日詔林機施元之身居出納言責之地朋比

相通可並斥罷日庚戌指揮六年夏兩省侍從叅考

到庠詞業援証既詳遣辭亦瞻敬為次優戶書曾欽有

旨八月下旬召試四月十二日後十餘日利路又繳到吳

洪應賢方正科詞業詔參考聞日丙午又月餘應求坐論

祈請事免相五月十九日仁父亦出漕湖北六月二十七日丙子時

虞并父獨相仁父與應求素善疑當路阻之入彀而奏

疏言制舉獨試一人雖有穎贄林陶李致高志寧錢鐵

考遠矣奎趙彥若謝棕故事而後涉學荒淺恐不足當此

異恩別致人言乞候將來更有進卷合格當召者許令

同試上不許仲信乃乞隨侍并父為奏有旨別聽旨

揮七年春科詔既下并父因進呈召試賢良當降召

上曰數十年來未有應此選者并父曰昨李庠以得旨

召試或者與其父不相樂敢言欲阻之庠以此欲隨侍

上曰今可召試矣令九月召試中書四月四月九月戊

戌召試中書後省前一日命李士嚴考至日嚴考試右

史李秀叔叅詳比試仲言凡五通六論題一曰明主有

三聖三日人者天地之心四曰歷律更相治十月乙

五日三家言經得失六曰揚雄張衡孰優

已進呈上曰昨覽庠程文亦好一日之間成數千言

良不易也并父日記題試難庠能記其五上曰湯法

三聖出功臣表而屋以諸侯王表却是記得全文不差
 十一月甲戌上親策于集英殿有司考入第四等戊寅
 上特御殿引見賜制科出身故事賢良方正無唱
 名之例而禮部言若倣遂舉進士皇帝御殿推恩足彰崇
 儒求言之盛遂從之周子充為禮部侍郎尋授左文林
 郎瀘川郡節度推官淳熙初為祀書省正字兼國史院
 編脩官累遷著作郎被章去久之奉祀歸蜀而卒李文
 孫持齋書云後被令八月次旬台試造物者意乃不
 然公出諱沮遏之尋因入辭力告上乞免上造勿許仍
 宛轉託渠具奏始有旨別聽候旨揮其間曲折甚多
 必具根而虞宜閣公亮行狀乃云李應制科差日命官
 且試矣會有用蘇子由以病展日故事為更命官改日
 雍公亟入奏用蘇子由以病展日故事為更命官改日

鎖院今以史考之未見改日命官之事亦不省出諱謂
 何雖虞公數論林施不當罪復以郡處之然幸獨試者
 力也

制六科題 淳熙再試科制本末

制六科題舊以四通為合格淳熙四年李仲信之弟塾
 李修復舉賢良方正南士頗嫉之而近習貴璫又恐制
 策之或攻已也共搆沮焉會台守趙子直舉宣教郎姜
 凱信守唐與正舉迪功郎鄭建德吏部侍郎趙粹中舉
 亳州布衣馬萬頃應詔上問輔臣故事名試賢良當
 有黜落者否執政對曰昨來名試只李屋一人他日若
 試數人須有優劣既而潘察院緯又上章言制科論策

皆燈窓著述之文而策限三千豈無平日待對之語惟
六論一場所當加意若罷註疏命題而復以四通為合
格則與應進士舉一場試經義五篇者何異試之日有
詔以五題通為各格是歲始命糊名謄錄如故事所試
六論一曰因者居之綱二曰易數家之傳孰優三曰前
世曆法多差四曰十二節備如何五曰王學本賈氏六
曰動靜繁寡如何後二日考試院言試卷內多有不知
題目出處及引用上下文不盡止有僅及二通者上
命賜束帛罷之舉者周益公輩皆放罪或曰故事六題
一明一暗上下文有度數及是時舍人錢師魏素與周

李諸人異趣且承嬖近旨奏言制舉甚重須稍難其題
御筆曰差師魏考試故所命多暗題云仁父時為禮部
同修國史仲信為著作即未幾仲信被旨考上舍試曰
策問本朝制科典故有云蘓洵皆嘗黜落富弼張方平
粗試題意亦不免錯悞坐此為臺官所攻皆罷去仲信
適亦死明年秋言者又論註疏命題蓋以觀其博洽謂
宜復舊又從之十一年夏校書郎奚商衡轉論制科取
士不必拘三年之制上諭大臣曰賢良得人國家盛
事遂特以六月五日降詔然未有應者十二年春李獻
之以右史直禁林面奏賢良之舉肇自漢文本求謹言

以禪闕政未聞青以記誦之學也使其才行學識如晁
董之倫雖註疏未能盡記于治道何損乃復罷註疏命
題于是陳天與守池舉闕人莊治立宗卿守平江舉郡
人滕成十三年六月召試六論題一曰身者治之本二
曰聖人通天地之心三曰五
星為經緯四曰曆律本于易五曰六德二人皆四通顏
以民為紀六曰岑彭馮異之功孰大侍郎師曾為考官言其文理平常不應近制遂罷之自
是制科無復得試者矣

博學宏詞科試格恩例附

博學宏詞科紹興三年七月置始紹聖既廢制科不用
創宏詞科大觀中改為詞學兼茂至是用工部侍郎李

擢奏別立此科以制語詔書表露布檄箴銘記贊頌十
二件為題古今雜出六題分三場每場一古一今遇科
場年應命官除歸明流外進納及常犯贓人外許徑赴
禮部自陳先投所業三卷朝廷降付學士院考其能者
名試見任官經所屬投所業禮部貢院知舉官分三等
應格付員試愈難任考校以合格真卷納中書省看詳宰執將上二等遷一
官選人改京官無出身人賜進士及第並免名試除館
職中等減三年磨甚與堂除無出身人仍賜進士出身
並擇其尤者名試館職下等減二年磨甚與堂除一次
出身人同進士出身遇館職有闕亦許審察名試初詞

科惟有出身許應。上即位以用武權停此擢請復科。而其子益能粗有文墨。于是有司看詳兼許任子就試。非舊典。蓋為益能計也。然益能卒不能與選。自立科後。入中等者。惟汪叔詹、洪景嚴、湯進之三人。其六十九人皆下等。蓋斬之也。舊例每舉合格不得過五人。若人材有餘。臨時取旨。紹興後所取未嘗過三人。淳熙八年以後。又止取一人。慶元五年應宏詞者三十有一人。無合格者也。

三歲取士

三歲取士。祖宗舊制也。建炎元年當省試。以首城故展

用二年。紹興元年當殿試。以行明堂禮亦展用二年。一年當秋試。廖中丞剛建言以治平以來三歲舉士。率用大禮。科場省殿試為三年。故任子與登第人注闕無妨。而漕司經費亦給自軍興再展。今秋試與大禮相妨。請展一年以應古制。上納其言。乃詔諸州以十年為準。而十二年省殿試焉。自後科場以十二年為準。

四科

祖宗以來但用詞賦取士。神宗重經術遂廢之。元祐兼用兩科。紹聖初又廢。建炎二年王唐公為禮部侍郎。建言復以詞賦取士。自紹興二年科場始置。曾侍御統

此當是此

科惟有出身許應 上即位以用武權停此擢請復科

此等法先君子投勳兩次一為乾隆丙戌己七十二
季一在丙申六十二年皆官都中 權如五年
編書不知何人藏有鈔本從周林汲年伯家
借校并手錄編各跋法相又五十六年不知
手澤辭跋不知何者重裝惜紅緝寄將項
將切太字為系全澤為可惜

三歲取士和宗權帝也建炎元年置省言以首坊五年

漸亮丁必重九廣權敬死
始好憲委雲卷獲信來見

用二年紹興元年當殿試以行明堂禮亦展用二年一
年當秋試廖中丞剛建言以治平以來三歲舉士率用
大禮科場省殿試為三年故任子與登第人注闕無妨
而漕司經費亦給自軍興再展今秋試與大禮相妨請
展一年以應古制 上納其言乃詔諸州以十年發解
而十二年省殿試焉自後科場以十二年為準

四科

祖宗以來但用詞賦取士 神宗重經術遂廢之元祐
兼用兩科紹聖初又廢建炎二年王唐公為禮部侍郎
建言復以詞賦取士自紹興二年科場始置曾侍御統

請廢經義而專用詞賦。上意鄉之，呂元直不可而止。十三年國學初建，高抑崇司業，言士以經術為本，請頭場試經義，次場試詩賦，末場試子史論時務策各一首。許之。十五年詔經義詩賦分為兩科，於是學者競習詞賦。經學浸微。二十六年冬，上諭沈守約曰：「恐數年之後，經學遂廢。」明年二月詔舉人並兼習兩科。內大小經義共三通三十一年言者以為老成經術之士強習詞章不合嚴律，請復分科。取士仍詔經義合格人有餘許以詩賦，不足之數通取不得過三分。自今年太學公補試行之。迄今不改。先是舉人既兼經義詩賦策論，曰「四科」，然自更制以後，惟紹興十四年二十九年兩行之而止。蓋舉人所習以分為二，不可復合矣。

類省試

類省試者始高宗在揚州，以軍興道梗，建炎元年十二月遂命諸道提刑司選官，即漕司所在州類試，率十人而取一人。開封以臺官監試，諸道令提刑臨時寔封移牒漕司一員不得預考校榜。既揭，遠方之士多訴其不公。紹興元年六月始專擇諸路憲漕或帥守中詞學之人總其事。時張魏公為宣撫，處置使以便宜令川陝舉人即置司州類省試。五年始試進士于南省，惟四

川即試宣撫司自七年後又移置制司迄今不改始朝廷既命宣司類試又詔選有出身清強見任職司一員監試見任京朝官有出身曾任館學或有文章者充考試官二十七年五月言者以為不能無弊請罷之悉令赴南省事下國子監楊文安椿以兵部侍郎兼祭酒言于朝曰蜀士多貧而使之經三峽冒重湖狼狽萬里可乎欲去此弊一監試得人足矣遂請令監司守俸子弟賓客力可行者赴省他不在遣中二十九年七月吏部侍郎周紹復請遣行在清望官充監試上以道遠難遣乃以成都漕臣王之望瞻叔監試嘉州守臣何逢源資

深為考試官而別試所亦差官監官考試又詔監試官依監學除法取摘試卷詳定類省試降敕差官自此始是日禮部侍郎孫道冲侍經筵猶請罷類試令御史監徑赴禮部上曰早方與執政議今歲已無及後舉當遣御史監之太冲秘語契驗豈御史所能防自慶元後監試考試官率以南士餘官選南士及蜀人參之然去取之柄專在南人無復曩時之疑矣

國子監解試

行在國子監解試以察官一員監試即中二員充考試官職事釐務官六員充點校試卷試太學生而別試所

以郎官一員充考試官兼監試職事釐務官三員充點
校試卷官試國子生及朝南省以學士或尚書一員權
知貢舉行侍從臺諫二員權同知貢舉卿監郎官八員
察官二員充參詳官館學及職事釐務官二十員充點
校試卷官兼試宏詞別試所以卿監一員充考試官監
試職事釐務官四員充點校試卷官附試武舉殿試以館學
郎官四員充初覆考官以餘官一員充點校試卷官侍
從二員充詳定官兩省二員充編排官以上並降敕押
入院

諸路解試

諸路解試官故事皆自轉運司選差率以本州通判監
試本路見任或待闕官充考試官乾道六年四月丙午
始命諸州試官皆隔一郡差以絕請託之弊時劉通靖
章為禮部侍郎用其請也淳熙十六年春試王侍郎溉
為潼川漕始命試官每員皆歷三郡合符三合乃聽入
其後又行之西川迄今不改慶元四年有果州三學教
授王萃者考昌州春試于尚書斷章出問明年正月尚
書省奏罷萃時漕臣汪德翰故相伯彥孫太傅卿台嗣
子也議者謂汪祖任入官故擇考官不善張肖翁為監
察御史因請自今漕臣不由科第進者更委他監司一

員選官校試仍擇有文學士望者一人為點校官專掌
命題去取之事即有不稱加以重罰從之蓋自嘉泰元
年始

四川類省試官

四川類省試院自勅差監試主文之外制置使差考試
官四員以有出身知州充點校試卷官十員以京官選
人有士望者充別試所則但差小試官二員而已舊監
試主文皆差提轉近歲多以郡守為之而考試亦差侍
貳至郡守之嘗任館學者或不差非故典也

宗室差試官

自熙豐以來宗室不差試官淳熙六年十一月周益公
為吏部尚書始請宗室充學官及考試八年正月遂命
趙子直為省試別院考試官紹熙四年以子直知貢舉
然外郡至今未有差宗室校試者蓋漕吏守舊法而不
知新旨焉

燈挾之禁

燈挾之禁近歲惟行國子監及南省行之兩浙漕司則
雖禁燈而已弛挾書律矣其他郡國秋試率遠旦乃罷
雖類省試亦然紹興二十九年王瞻叔護試始復禁之
然習俗已久雖令不行今秉燭挾書如故

諸路同日解試

祖宗舊制諸路州軍科場並以八月五日鎖院惟福建去京師地遠先期用七月川廣尤遠又用六月紹興十三年八月詔以閩廣去行在不遠並令八月五日鎖院然諸軍州例選日引試由是舉人多贊而再試于他州或妄引親賢而再試于他路至有一身而兩項薦送者二十四年正月詔太學及諸路並以中秋日引試惟四川則悉用三月十五日焉類省試舊以九月二十四日制置司言去行在地遠恐舉人赴御試不前請以八月鎖院許之迄今不改

避親牒試

牒試者舊制以守倅及考試官同異姓有服親大功以上婚姻之家與守倅門客皆引嫌赴本路轉運使別試若帥臣部使者親屬門客則赴隣路率七人而取一人紹興後牒猥試者多至二十三年成都一路就試者五千五百人而發解五百人議者以為濫于是成都路以八十三人潼川路以八十人為額時眉倅李彥輔永康倅郭印皆坐牒試避親舉人冒濫雖會赦猶展磨勘年及降官坐此弊特東西兩川夔利路與東南諸漕司則解不過三數人而已紹興五年夏王奕澤溉自成

都轉運判官召還入見極言兩路冒親詭貫之弊乞各存十人外均與本路諸州從之仍各以二十人為額正宗卿時為制置使復請每路止存十二人若就試者少則以二十人而取一人奏可舊制命官鎖廳赴漕試者與避親舉人同試王奐澤為益漕始令分場以革假手之弊于是西蜀皆然蓋自紹熙三十年春始

潛藩息試

潛藩息試者蓋自未渡江前有之然必曾請舉人兩到省以上乃得試紹興二年蜀州舉人以高宗登極覃恩往赴類省試理堪試則送試院不限人數取文理優長

此條後段脫簡理堪試以下云至未与淑試教官一條不易卷抄書人取彼益此耳安得宋板一訂正之丙戌十一

月二十日廣瀆寓舍記是日臨水
之人為合格初任除諸州教官自是為兩學之選嘉泰元年二月言者請州制置使遇類省試年分做禮部附試學官許有出身人具所業赴制置司陳乞委有出身通判或教授看詳是歲就試者四人而取二人蜀人試教官自此始

初出官人銓試

銓試者舊有之凡任子若同進士出身之人皆赴建炎兵火後權停紹興三年始復無出身人許習經義詩賦時議或刑統義新案十三年九月詔兼試二場惟有出身人試律如故其任子之在蜀者舊法令益梓兩路漕

司輪年分春秋銓試乾道二年從知蜀州楊民望之請
委制置司主之后又降敕差監試考試官惟蜀士同出身
之在東南者則免銓試故事春秋再試十人而取七乾
道二年後止春試二人而取一紹熙未議者病其寡學
乃請三人而取一後三年謝用光為吏部侍郎上言今
世祿之家已留意學問請後復制詔許焉今蜀中銓試
最寬凡假手者率費七百緡又勢要子孫鮮不與選或
謂宜悉付吏部然吏部亦不免此要當如祖宗時先試
而後命可也舊銓試未合格者許堂除淳熙中孝宗始
嚴其令八年八月趙魏公帥瀘奏其子昱書寫撰宜文

字既受教矣未待問蓋之在西瀘緣他事以未銓試為
言遂寢其命紹興元年八月許司業衡又奏乞中選人
就吏部長貳廳前簾試中然後許參選小經義一首或
小賦或省題詩
一明年四月吏部條具如所奏內同進士出身并恩科
人更不簾試仍四川制置司一體施行從之黃子由時
為考功郎官建言今已增試律義自不須更簾試大臣
進呈光宗曰簾試以革代筆之弊正當加嚴豈可廢也
三年八月謝子肅侍郎又言銓試不中四十以上注殘
零聞人乞令郎官就長貳廳寫律一條俾之解釋如或
不通未得參注從之始任子降等補文學者與恩科人

皆免銓試。孝宗以為非是，亦命試焉。惟宗室子詮試則
試場無雜犯者，皆出官。蓋朝廷優天屬之意。廣東西漕
司舊亦有
詮試乾道
八年罷之

試教官

試教官者，自熙豐間始。程伊川常非之，今不廢其法。凡
有出身人願試者，先具所業經義三道、詩賦各三道，赴
禮部陳乞。若文理堪試，則送院試，不限人數。取文理優
長之人為合格。初任除諸州教官，自是為兩學之選。嘉
泰元年二月，言者請四川制置司遇類省試，年分微禮
部附試教官，許有出身人具所業赴制置司陳乞。委有

文理堪試之立未與前潛
舊恩試被凡異古字出
之候各本校

出身通判或教授看詳，是歲就試者四人，而取二人。蜀
人試教官自此始。

試刑法

試刑法者，亦是熙豐間始。舊附銓試院，兵火後權停。紹
興三年始復，後又降敕差試官二員，專撰刑法問題。考
為假案，其合格分数例以五十五通作十分為率。五分
以上入第二等，下係二十七四分半以上入第三等。上
係二十四四分以上入第三等中。係二十二凡試入二
等者，選人改京秩。蓋趙忠簡為相，以刑名之學其廢已
久，故白上請優之。今遂為大理平丞之選。二十五年四

川制置使請每三年就類省試院撥差刑法官二員校
試從之

新科刑法

新科刑法熙寧間改舊刑法科為之崇寧初廢凡其解
省額歸禮部建炎二年正月大理少卿吳環言法官缺
人請復此科許進士嘗得解貢人就試從之紹興十一
年始就諸路秋試每五人解一名省試七人凡一名皆
不兼經明年御試御藥院請分為二等第一等本科及
第二等本科出身十四年七月言者以為濫請解省
試各遞增二人解試七人凡一所試斷案刑名粗通以

十分為率斷案及五分刑統義文理俱通者為合格無
則闕之仍自后舉兼經十六年二月遂罷之迄今不復
設矣

覆試權要子弟

覆試權要子弟者太祖之法也紹興十二年秦申王
當國其子熈始冠多士二十四年其孫塤復試南省為
第一及朝廷有司疑塤為榜首上覺之寘之第三檜
薨淮東提舉常平朱冠卿應詔上書極言其弊于是追
奪塤出身敕而曹冠以下七人有官者有改帶右字餘
並剝放二十七年始詔兩省臺侍從有服親省試合格

者今禮部具名以聞命后省覆試自是遂為故事

鎖廳人不為狀元

鎖廳人不為狀元非故事也祥符二年梁固廷試第六

同翰林學士灝之子景德初已賜進士出身矣皇祐初

沈文通以齋郎對策為第一宰相陳恭公疑已仕者不

當為第一人乃降為第二其后王昂榜本王楷汪洋榜

本秦燿陳誠之榜本黃忠王佐榜本董德元梁克家榜

本許克昌蕭國梁榜本趙汝愚鄒應龍榜本莫子純曾

一龍榜本許奕皆用此例

新進士期集

新及第進士舊以名次高下率錢期集貧者或稱貸于

人裕陵聞之熙寧六年始賜新進士錢三千緡為期

集費自余中始也渡江後賜千七百緡自是遂為故事

舊新進士入謝進謝恩銀百兩熙寧六年亦罷之今新

進士期集所為團司置局于禮部貢院釋褐日即赴

上三人主之其職事有糾彈牋表主管題名小錄掌儀

典客掌各掌器掌膳掌酒果監門等多或至百餘人仍

其所差名姓申禮部御史臺照會后旬日朝謝又數日

拜黃甲叙同年于禮部貢院其儀三名設褥于堂上東

西兩廂向同年四十已上立于東廊四十已下立于西

廊皆再拜。已擇榜中年長者一人，狀元拜之，復擇最少者一人，拜狀元。又數日，赴國子監，謁謝先聖先師。鄒國公釋菜禮，三名為三獻。榜中有士望者一人，為監禮官。已謝賜，聞喜宴于禮部貢院，侍從以上及館職皆與。知舉官押宴，已宴立題名，石刻乃罷。局馬大凡團司至狀頭，授誥出國門，乃罷。

國朝三元

孫漢公淳化二年舉進士，自開封至南省，廷試皆第一，前未有也。至咸平五年，王沂公青州南省廷試皆第一。慶曆二年，楊審言皇祐元年，馮當世復皆第一人。有國

二年餘年為三元者止此四人而已。

制策入三等

本朝制策入三等者四人：吳正肅、蘇文忠、范子功、孔常甫。再舉制科者一人：張文定。景祐元年，茂才五年，賢良方正也。此亦前所未有。

新進士廷射

新進士廷射，舊未有。淳熙初，孝宗嘗諭大臣，欲令文士能射。御武臣知詩書，二年，詹晉卿榜，上特御射殿。引晉卿以下一百三十九人，按射。翌日，引第五甲及特奏名一百五十一人，皆具襴笏入殿起居。易戎服射訖。

乃退正奏名中的中帖上塚者推恩有差特奏名五等
人射合格者與文學其他例賜束帛凡用絹三千疋云
紹興初黃丞相奏言射以觀德既不合格而復賜之帛
則似無謂此例可削去亦省費之一端上從之

廷試賜燭

舊例廷試舉人至暮者許賜燭然殿深易黑日昃賜殿
上燭出矣慶元五年上初策士江西正奏名進士黃
寔嚴州特奏名進士黃甫鑑納卷最后廉州特奏名進
士劉嘉猷賜燭至一更四點御藥院言賜燭故事正奏
名降一甲如在五甲降充本甲末特奏名降一等如在
第五甲與攝助教詔如故事世傳張韶嘗扣殿陛賜燭
納卷最后上親取其策觀之歎其鮮亮遂擢為榜首其
寔不然

殿試詳定官別立等

祖宗舊制殿試初考官既定等乃加封印以送覆考覆
定等第而詳定所或從初考或從覆考不詳別自立等
嘉祐間王荆公為詳定官始乞不用初覆考兩處等第
別自立後遂為例紹興五年八月孫叔諸為學士上言
如此則高下陞黜盡出于詳定官而初覆考殆為虛設
請復舊制如初覆考皆未當乃許奏稟別置第等從之

是歲殿試兩考立等不同詳定所以聞詔編排官定奪趙公時陳議以為非是請用崇令隔二等累及五人各開具合升降因依以聞詔可然自紹興乾道淳熙紹熙之際殿榜上三名多人主親擢云

諒闇罷殿試

自咸平以來人主有三年之喪則罷殿試而以省元為榜首真宗朝孫僅仁宗朝宋郊英宗朝彭汝礪神宗朝許安世徽宗朝李奎高宗朝黃公度孝宗朝未待問今上朝莫子紀傳行簡是也舊制止除職官惟天聖二年宋元憲獨除京官通判紹興八年黃公度復補京官自

是遂為故事

四川類省試榜首恩數隆殺

四川類省試第一恩數視殿試第三人蓋紹興五年以軍興道梗十一月戊子有旨川陝數省試第一人賜進士及第與依行在第三人恩例餘並同進士出身其后何道夫耕以對蜀人才策為丞相所怒乃諭禮部令奏奏云數試高第人多在道遷延不肯赴御試望自今第一等人並賜進士出身奏可十八年八月自是無有不赴御試者惟上不親策則類試第一人恩數如舊第二第三人皆附第一甲九名以上附第二甲云

宗室鎖試遷官

宗室有官鎖試無官應舉者唱第日皆遷一官若濮王子孫則加一等舊解省皆七人而取一淳熙中詔省試十人乃取一人又有取應宗子者榜進士出身餘補承信郎而已宣和六年沈元用榜宗室始不入五等至今以為例焉

武舉換文

武舉者自仁宗以來有之諸路州軍舊無解額但就兵部取解率以七人赴省試前期軍頭引見司于內弓箭庫試驗弓馬別試所附試程文七書義五道兵機第

二首上又臨軒親策翌日閱試弓馬馬榜首補保義郎與巡檢差遣並注監當渡江后試弓馬于殿前司馬每舉登第者率二十人淳熙后增至四十人自淳熙三年四川數省試始試武士四路共解四十二人省額凡六人乾道六年正月劉孺文在禮曹嘗請復武舉制科而不果淳熙初上以武舉授官與文士不類二年三月乙巳詔舉第一人補秉義郎堂除諸軍計議官使得預軍中謀議序位在機宜之上他並做進士恩數為差令吏部前一年刷闕依黃甲注授七年三月丙辰詔武舉人愿從軍者殿試第一名與御前同正將三名以上同副將

五名以上及省試魁同准備將舊制監察御史以上許
保任武舉一員后增為二會閣門舍人林宗臣請寬保
任之法增其人數是月辛未又詔通直郎武翌大夫以
上皆得舉二人四月己酉詔小使臣孫武舉出身者遭
家艱並解官持服用吏部侍郎烏程芮輝國罷請也十
年十月乙亥詔邊縣武舉出身人凡武人射兩石弓馬
射九斗論之絕倫苟絕倫雖程文不合格並賜第紹興
二十九年趙夢熊武藝絕倫又省殿試皆第一即令為
閣職焉乾道淳熙間太學諸生久不第者多去從武舉
已乃鎖其廳應進士第時王卿月請首應二科后官至

吳後云九斗論之疑誤應極九
斗兩石俱以量數準斤數校
方力論之疑謂之 西中書降
早記

修注近歲江伯虎君用陳續功亦連中二科伯虎淳熙
八年武舉第一人十一年進士第四甲遂換承事郎恩
數與狀元等朝廷斬之十六年十月因知歸州林穎秀
建言遂罷鎖廳之令江後通判泉州而卒陳今之永康
軍

童子舉 三朝推恩人數

童子舉自真宗以來有之 高宗一朝童子求試者

三十有六人授官者五人 萬項彭興張宗永免文解者

一人 晏免文解者一人 紹興三年賜帛罷遣者九人 紹

三年兄弟童子三人 饒國州江安國戴松戴滋又惟朱

獻通考作宗張棟 又非吳章

又獻通考三十五卷作 饒州江安國
戴國戴松戴滋

虎臣者能排陳步射及讀誦七書故補承信郎劉穀以小
校子五歲善騎射故補校尉虎臣浮梁人既名見特又
賜金帶以寵異之此亦前所未有 孝宗一朝童子求
試者七十四人而命官者七人有呂嗣興者衢州人也
四歲能誦書切韻變四聲畫八卦 上召見面俾吟詩
遂授右從政郎賜錢三百緡令伴皇孫榮國公讀誦乾
道八年春也又有臨川王克勤尤為警敏初命右從政
郎廬陵李如圭三山林公洽何擢並右迪功郎三山何
致遠將任郎廬陵郭洵直下州文學

祕書省讀書

此條疑即上條之底祕書省一條僅有其目耳丁亥人曰
錄下記 位通諸麟臺故多當有此

光宗一朝童子求試者十七人無補官者惟從事郎吳
綱年九歲能誦六經語孟以壽聖親姪孫特改承務郎
仍依初補法壬子四月也

童子賜出身

晏元獻初以童子名試遂賜出身令祕閣讀書久之即
以為正字乾道末 上踵故事以臨川王克勤敏叔為
祕書省讀書制祿視正字之半淳熙初 上幸祕閣館
職皆遷官選人改京秩有司言克勤于上詔以為文林
郎久之臺官有言其過者遂除初等職官後復以鎖廳
中第為太學博士後來未有繼者

前條標曰當附此日之下乃得
以此法善本定之 文獻通考
此亦與上文連

特奏名試

特奏名試自仁宗朝始其後浸寬凡監學生二舉皆免解一免一請同一舉人八舉年四十五舉年五十以上皆赴殿試取其半授官年六十以上試入四等者與嶽廟建炎二年高宗登極特召入五等者並調官至今以為故事恩試等第一人賜進士出身除諸州教授第二人同出身渡江后川陝特奏名人就試于制置司三十年又降敕差監試考官近歲朝廷以其冗濫患之乃詔三人而取一由是恩收之員少減矣

太學養士數

太學養士最盛于崇觀間紹興中詔以七百人為額上舍生三十員內舍生百員外舍生五百七十員每三年科場率四人而一若即行校藝而升上舍者則不待送舉而徑釋褐焉時王喚知臨安府括民間冒佔白地錢入十二萬緡有奇為太學養士之費十六年詔外舍生以千人為額其後三舍生率八百餘人云舊兩學覃恩無免解法孝宗即位始創行之自是每有覃慶輒復舉行省額動增數十人為定例矣

國子監試法

國子監生員皆胄子也舊制行在職事官同姓總麻親

三十員元作三百員。五百字從通

釐務官天功親聽補試入學每三年科場率三人而取一若未補中則七木而取一焉然太學生皆得以公私試積校定分數升舍惟國子生以父兄嫌但寄理而已須父兄外補乃移入太學而後得升慶元二年三月傳景仁在翰苑建言國子生員多偽濫請自今職事官期親釐務官子孫乃得試補從之凡監學生皆給綾牒若謂告外遇科舉則試于漕司舊公私試皆學官主之自淳熙後公試乃鎖院降敕差官學官蓋不得預

武學

武學自祖宗以來京師有之乾道七年七月庚寅詔

學該赴解試人以五十人為額然郡國未之建也慶元五年六月乙亥言者請即諸州之學置士齋舍選官按其武藝且藉在官荒田以脩餼廩從之然後亦不克行

釋褐狀元恩例

舊制太學上舍生積校以優而舍試又入優等者就化原堂釋褐號釋褐狀元例補承事郎太學正錄淳熙初鄭鑑自明由此遂不四年而為著作郎補郡自明數言事上甚喜久而稍厭之六年劉純叟堯夫復以解褐除國子正時王仲行為兵部尚書奏言今兩優釋褐初

除京秩即授學官視狀元制科恩數過之事理不當乞
先與外任時知滁州張商卿亦言今中上舍為學官不
數年便可作監司郡守獄訟財賦非所素習豈能保其
不謬乞先注職官上然之十月丙申詔與殿試第二
人恩例

太學補試

太學補弟子員故例每三歲科舉後朝廷差官鎖院凡
四方舉人皆得就試取合格者補入之謂之混補淳熙
後朝議以就試者多欲為之限制乃立待補之法諸路
漕司及州軍皆以解試終場人數為準每百人而取六

人許赴補試率以開院後十日揭榜然遠方人士多不
就試則為他人取其公據代之冒濫滋甚慶元中遂罷
之嘉泰二年復行混補就試者至三萬七千餘人分六
場十八日引試云

蜀學

郡國之學最盛于成都學官二人皆朝廷遴選弟子員
至四百人他學者亦數百人然未有校試選貢之法淳
熙中胡長元為蜀帥嘗議做太學別立解額會有沮之
者不果行慶元三年春士人王正則等訴于朝請以漕
司解額移于成都府學事下制置司後亦寢今蜀士之

年少者多聚于成都若精擇師儒稍立月書季考之令
又量取諸路漕司之餘額以予之俾有所歆慕而成就
其才庶乎其有益也

宗學

宗學東都盛時有之紹興十四年春惠國公士穆同知
太宗正事始請建學于臨安學生以百員為額太學生
五十人小學生四十人職事各五人置諸王宮大小學
教授一員在學者皆南宮北宅子孫也若親賢宅近屬
則別置教授以館職兼不在宗學之列

釋奠宗子侍祠

郡國釋奠先聖宗子侍祠舊制無之自紹興十五年始
州縣文臣請學謁先聖乃許視事舊制亦無之自紹興
十四年始蓋諸王宮教授陳孝恭知永州羅長源建此
二議而朝廷行之

文宣王鎮圭

紹興十四年國學初建內出鎮圭以奉文宣王慶元三
年上將行大禮而內府無圭乃下國子監借文宣王
圭用之

鄉飲酒

鄉飲酒者紹興十四年四月林待制保為禮部郎中請

命太常草具其禮下郡邑行之又詔非常與禮飲酒者
毋得應舉有儀有肅賓祭酒主獻賓酬主人酌介酌
衆賓修爵無筭沃洗揚解拜送拜既凡十二節又有約
束凡事主人以守令其酒食器用卿大夫士之有力者
共為之行之十餘年士人不以為便二十六年四月始
用新通判撫州陳洙之請雖不與鄉飲酒者許應舉又
詔鄉飲酒聽人自為之公家毋得預自是不復講焉

建炎以來朝野雜記甲集卷第十三終

丁亥正月初九日知不足齋叢書

丙申九月十日下

